



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

Lp
26
832



~~Ap 26.832~~
LP 26.832



Harvard College Library

FROM THE

CONSTANTIUS FUND.

Established by Professor E. A. SOPHOCLES of Harvard University for "the purchase of Greek and Latin books (the ancient classics) or of Arabic books, or of books illustrating or explaining such Greek, Latin, or Arabic books." (Will, dated 1880.)

Received 30 Jan., 1890.

1

347


REGIAE FRIDERICO-ALEXANDRINAE
LITERARUM UNIVERSITATIS
P R O R E C T O R
D. REINHOLDUS FRANK
THEOLOGIAE PROFESSOR PUBLICUS ORDINARIUS
CUM
PROCANCELLARIO
RELIQUOQUE SENATU ACADEMICO
SUCCESSOREM SUUM
CIVIBUS ACADEMICIS
COMMENDAT

PRAEMISSAE SUNT
AUGUSTI LUCHS
COMMENTATIONES PROSODIACAE PLAUTINAE I

ERLANGAE
TYPIS JUNGAE ET FILII
MDCCCLXXXIII

~~Lp 26.832~~

Lp 26.832



Constantius Lund.

Emendatio Plautina praeter plenam sermonis notitiam accurata numerorum legumque metricarum cognitione nititur, numeri autem ipsi non recte possunt constitui nisi uocum syllabarumque mensura penitus indagata: itaque ne uirorum doctorum conamina ad inritum redigantur, ante omnia tamquam fundamentum artis criticae in Plautum conferendae prosodia quam potest firmissime est stabilienda. Quo in genere cum mihi particulae *quidem* cum pronominibus coniunctae pronuntiatio nondum satis uideatur explorata ac definita, in hac commentatione primum in nominatiuorum *hic illic istic hoc illuc istuc* syllabae finalis mensuram inquiram, deinde de *quidem* pronominibus personalibus possessiuis relatiuis adnexo exponam; in altera commentatione de eadem particula disputabo pronominibus demonstratiuis adiuncta.

Nominatiuum *hic* apud Plautum ceterosque fabularum scriptores¹⁾, prout numerorum opportunitas poetarumue arbitrium ferret, modo correptum modo productum esse omnes qui his rebus nunc operam nauant grammatici²⁾ existimare uidentur. Et

1) In antiquissimis inscriptionibus, quae CIL uol. I comprehenduntur aut postea innotuerunt, *hic* exaratum est CIL I 32 (*consol censor aidilis hic fuet*), 1059, 1194; *hec* 32 (*hec cepit Corsica*); ephem. epigr. uol. IV p. 297 in senariis legitur *rogat ut resistas, hospes, te hic tacitus lapis*, at contra *praeconis Oli Grani sunt ossa heic sita*; per *ei* nominatiuus nusquam scriptus est.

2) C. F. W. Muellerus Plaut. Pros. p. 178 „Eae als Dativ“ inquit „steht weder sicher Mil. 348: *Sed hic illi subparasitatur semper, hic eae proximum* noch braucht *hic* lang zu sein“; ibid. p. 442 n. 1 „Damit soll keineswegs geleugnet werden, dass *hicine* und *hocine* die erste Silbe verkürzen können, obwohl meines Wissens weitere als die angeführten Belege dafür mangeln. Da aber *hic* und *hoc* nicht selten kurz sind, so ist kein Grund abzusehen, warum bei Anhängung der Silbe *ne* nicht dasselbe stattfinden sollte“. — Vssingius Plauti comoediae uol. I p. 204 docet „pronominis demonstratiui . . . *hic haec hoc* . . . nominatiuus masculini ancipitem mensuram habet“. — Corssen Ueber Aussprache cet.² I 784 sq. II 672 (cf. II 631), cum originem *hic* nominatiui explicat, correptionis ne mentionem quidem facit, sed unam productionem ueram eius uocis mensuram habet.

posterioribus quidem litterarum Romanarum aetatibus uocis illius mensuram ancipitem fuisse uel ex Lucretii uersibus apparet, ubi pro breui est syllaba II 387 II 1066 IV 921 VI 9, pro longa multo saepius; plerique longius etiam progressi correptioni aut numquam omnino, in quibus est Horatius, aut semel bisue locum concesserunt, cf. Lucianus Muellerus de re metrica poetarum latinorum p. 343. Atqui de scaenicorum poetarum usu opinio illa incertissimis fundamentis nititur: nam perpauca producti *hic* nominatiui exempla omnia fallacia esse librorum manu scriptorum discrepantia uel sententiae sermonisque uitium manifesto coarguit. Quoniam autem corripi *hic* saepissime nemo ignorat¹⁾, ei tantum uersus mihi percensendi sunt, quorum ex numeris *hic* productum consequi uideatur.

Initium disputandi ab eis uersibus faciam, quos in utramque partem interpretari licet; quales sunt, ut paucos ex multis commemorem, Amph. II 2, 110 *'Iterum iam hic in me inclementer dicit atque id sine malo*, Cas. III 2, 28 *Iam hic est lépide ludificatus. Miseri ut festinant senes*, Epid. II 3, 2 *Aequé feracem, quum hic est noster Périphanes*, Stich. II 2, 19 *Vérum ex multis néquiores nullum quam hic est. Quó modo?* Postquam enim Bentleius in schediasmate de metris Terentianis docuit uocabula monosyllaba producta, quae uocali, correpta, quae *m* consonanti finiuntur, necessitate synaloephae legitimae esse exempta, eiusque licentiae usum satis late apud Plautum patere omnes hodie consentiunt, in illis uersibus nihil est impedimento quominus *iám hic in*, *iám hic est*, *quám hic est* pronuntiari iubeamus. Ac ne quid noui praecipi putes, auctorem laudo Fleckeisenum in hac sane re non constantem, qui Rud. IV 4, 56 uocales confundere uetuit notulis hunc in modum adscriptis: *dúm hic hinc a me séntiat*; Goetzius contra Epid. II 3, 2 *quam hic est* exprimi iussit. Eadem ratio pertinet ad Capt. IV 2, 25 *Mira edepol sunt ní hic in uentrem sumpsit confidéntiam*, ubi Brixius et Fleckeisenus ictus metricos ita disposuerunt, ut *hic* producat, *ni hic in uentrem*; nisi forte collatis Amph. I 1, 127 *mira sunt nisi inuitauit*, Amph. I 1, 275 *mira sunt nisi latuit intus*, Poen. IV 2, 17 *mira sunt nisi erus hunc heredem facit suspicaris nisi* pro *ni* substituendum esse, quae tamen mutatio neque numeris neque sermone aut poseitur aut commendatur; nam *ni* in illa dictione non minus Plauto usitatum fuisse ex eis quae Ribbeckius Beiträge zur Lehre von den lateinischen Partikeln p. 16 collegit

1) Haec correptionis argumenta sufficiant: Persa IV 3, 74 *Hóspes ille, qui háe tabellas áttulit. Hicínést? Hic est*, Mil. II 1, 77 *Ipse éxit: hic illest lépidus quem dixi senex*, Mil. II 3, 4 *Hic illam uidit ósculantem, quántum hunc audiui loqui*, Epid. V 1, 15 *Hic est danista, haec illast autem, quám ego emi ex praeda. Haécínést?*

exemplis intellegitur. — Huc referendum est etiam Truc. II 1, 35, ubi libri manu scripti ita inter se discedunt, ut Palatini tradant senarium *Velut hic agrestis est adulescens qui hic habet*, Ambrosianus autem septenarium trochaicum *Vélut hic est adulescens, qui habitat hic, agrestis rústicus*. Illos enim numeros si Plautinos esse ducis, nulla aut lex aut elegantia metrica suadet, ut in sententiam Kiesslingii annal. philol. uol. 97 p. 628, Niemeyeri de Plauti fabularum recensione duplici p. 49, F. Schoellii abeamus primi iambi thesin ex una syllaba *hic* constare putantium; immo non minus probabilitatis concedes habere hanc dimensionem: *Velút hic agréstis*, praesertim si comparaueris Merc. II 1, 3 *Velút* (*Vel ut* B, cf. Muellerus Plaut. Pros. p. 649 n. 2) *ego nócte hac quae praeteriit próxima* et simillime Rud. III 1, 4 *Velút ego hac nócte quae processit próxima*. In illo autem uersu ne *hic* priore loco positum pro aduerbio habeas, insequentibus uerbis *qui hic habet* cauetur et harum dictionum similitudine Curc. I 1, 44 *huic lenoni qui hic habitat*, Truc. I 1, 58 *haec meretrix quae hic habet Phronesium*, Men. II 2, 34 *Di illos homines qui illic habitant perduint*.

Non diu commorabor in eorum uersuum multitudine, in quibus productum *hic* nominatiuum grammatici praeter libros de suo ingenio addiderunt aut mutando uerborum ordine tradito effecerunt. Velut Bothius et Ritscheliuss fragmentum quoddam Bacchidum (u. 7 R) apud Charisium p. 201 K seruatum ita transformarunt *Verum hic Vlixem multo adulescens ántidit* spreto codicis Neapolitani auctoritate, in quo integer exstat uerborum ordo *Verum hic adulescens multo Vlixem anteit*; ad hiatum autem tollendum, qui inter *Vlixem* et *ántidit* intercedit, Buechelerus Mus. Rhen. XV 439 *Vlixem* formam commendauit eademque Ennium in extremo senario (trag. u. 137) usum esse Ribbeckio persuasit. — Poen. IV 2, 23 inde a uetustissimis editionibus usque ad Geppertum propagatum est *Próinde habet hic orátionem, quasi ipse sit frugí bonae*, ubi utra pronuntiatio minus sit incommoda, *habét hic orátionem*, quae Gepperto placuit, an *habet hic orátionem*, quae mihi necessaria uideretur, disceptare supersedeo, quandoquidem *hic* optimorum codicum fide omnino destituitur: nam non solum CP, de quibus Geppertus id memorat, sed etiam B eam uocem omittere Studemundus mecum communicauit, cuius benignitate factum est, ut de aliis quoque librorum scripturis infra referre possim. Aut igitur *hic* prorsus est remouendum aut ante *habet* inserendum. — Ceteras doctorum coniecturas illo quod significauit uitio laborantes ut enumerem aut adeo corrigam, non meum esse existimo.

Itaque ad eos uersus paucissimos (sunt enim non plus quattuor) adgrediar examinandos, in quibus *hic* productum ipsorum codicum testimoniis firmari uidetur. Qui quam nullam habeant uim ad meam sententiam refutandam, uel eorum declarat cor-

ruptio, quos primum tractabo: Merc. V 2, 110 *Hic homo insanúst. Medicari amicus quin properás mihi?* Most. III 1, 44 *Hic homo inanis est, hic homo est certe ariolus*, Capt. III 4, 15 *Hégio, hic homó rabiosus hábitus est in 'Alide*. Nam in primo uersu ex unius B memoria *hic homo insanus* Bothius quidem *Hic homo insanust* scripsit, sed Ritscheliu et Goetziu politiore iudicio maluerunt codicum CD auctoritatem sequi ac praeunte Guyeto *Hic homo nón sanust* Plauto reddiderunt. Alter uersus iam dudum partim a Pylade partim a Ritschelio in hanc formam redactus est *Hic homóst inanis, hic homo certest áriolus*, neque quisquam contendere ausus est prius est licere transponere, non licere posterius. Pariter *Hégio hic homó* a Plautinae artis usu abhorrere arguit mensura ceteris locis dictioni *hic homo* a Plauto tributa. Habes enim in thesi: Amph. I 1, 246 *Hic homo sánus non est*, Capt. IV 2, 13 *Hic homo púgilatum incipit*, Capt. IV 2, 51 *Hic homo ad cénam recipit se ad me*, Bacch. I 2, 53 (159 R) *Occisus hic homost. écquid in mentemst tibi?* Curc. II 1, 33 *Vah, sólus hic homost, qui sciat diuinitus*, Poen. III 2, 29 *Hic homo sápienter sapit*, Poen. V 4, 44 *Bónus est hic homo, méa uoluptas*, Pseud. IV 7, 22 *Heús tu. Quid uis? Hic homo méus est*, Trin. IV 2, 47 *Hic homo sólide sucophantast*, Trin. IV 2, 121 *'Adgrediundust hic homo mi ástu*, Trin. IV 3, 20 *Nón fugitiuost hic homo, cónmeminit domi*, Persa IV 4, 65 *Virgo, probus est hic homo. Crédo. Non diu apud hunc seruies*, siquidem hanc Bothii coniecturam comprobas, cf. supra Poen. V 4, 44; ex librorum memoria *Virgo, hic homo próbus est. Credo* hiatu primus pes a secundo diuellitur; Guyetus proposuit *Hic homo, uirgo, probus est. Credo*, Ritscheliu *Virgo hic homó probust. Credo edepol uel Credo equidem*, Muellerus Plaut. Pros. p. 678 sq. *Virgo, hic leno próbus est. Credo*. — Item in arsi: Merc. II 2, 53 *Hic homo éx amore insanit*, Trin. V 1, 1 anapaest. *Hic homóst omnium hominum praecipuos*, Truc. II 2, 60 *Si écastór hic homó sinapi uictitet, non censeam*, Amph. II 1, 24 anap. uel iamb. *Hic homo ébrius est ut opinor*, quod libri praebent *homo hic* correxi Herm. VI 274 adsensique sunt Goetzius et Loewius. — Quibus autem rationibus Plautus *hic homó* pronuntiationem euitare studuerit, ex his uersibus apparet: Capt. IV 2, 22 *Quíd hic homó tantum incipissit facere?* Poen. V 5, 19 *Quis hic homóst cum tunicis longis?* Pseud. IV 2, 8 *Quis hic homó chlamidatus est?* Pseud. IV 6, 39 *Sed quis hic homóst chlamidatus?* Amph. I 1, 136 *Séd quis hic ést homó, quem ante aedis uideo hoc noctis? nón placet*, hanc enim codicum DEJ memoriam, quam Fleckeisenus Goetzius Loewius receperunt, praestare codicis B scripturae *quis est hic homo* Seyffertus Stud. Plant. p. 27 demonstrauit; Cas. III 6, 11 *Mane. Quid est? quis hic ést homo?* Ambros., ceteri libri *quis hic homo est*, anapaest. numeros statuit Spengelius Reformvorsch. p. 360; Pseud. IV 1, 28 *Probus hic est homo. Néque hic est neque ego. At*

uide ne titubes. Potin ut táceas? hunc uerborum ordinem (*probus hic est homo*) in Palatinis traditum, quia septenarii anapaestici et praecedunt et subsequuntur, Spengelius Ref. p. 403 praetulit simulque, ut legitimam diaeresin efficeret, *At ne titubes uide* posuit; Ambrosianum si sequeris *Probus ést hic homo*, octonarius anapaesticus euadit; Pseud. IV 7, 79 *Strénuissime hércle iuisti. quámuis pernix hic est homo*, ubi *strenuissime hércle* Bergkii Beitr. I 91, *strenui me hércle* B, *strenui me hercule* CD, pro *iuisti* in codicibus *isti* traditur, Ritschelii *Euge, strenue mehercle isti* edidit; Pseud. II 2, 6, quem uersum Spengelius Ref. p. 401 subditium esse ducit, in C proditur *meus est hic homo*, in reliquis *meus hic est homo*. — Praeterea *hic homo*, ut omnia eius dictionis exempla enumerem, usurpatur Stich. II 2, 36 *Hic hércle homó nimium sapit*, Men. II 2, 9 *cérte hic insanust homo*, Amph. I 1, 251 *Nón loquor? non uígilo? nonne hic homo modo me pugnis contudit?* quod cum septenarii mensuram excedat, Fleckeisenus cum cod. Guelferb. et Scutario modo induxit: *non* (sic recte Gronouius) *hic hómo me pugnis contudit*, ego, quia *hic hómo* pronuntiatio suspicionem inicit, cum Guyeto Spengelio Die Partikel Nonne p. 4 Goetzio Loewio *nón hic módo me pugnis c.* praeferam; denique Asin. V 2, 51 *Quid quom adest? Perísse cupio. Amát homo hic te, ut praédicat ipsa caesura inusitata uerborum confusionem indicare uidetur.*

Hac testimoniorum copia illud probari existimo, noluisse poetam ut Capt. III 4, 15 *Hégio hic homó* pronuntiaretur. Itaque ut unam quae deest syllabam recuperes, aut hiatu *Hegio* ab *hic* separes, quae licentia praeter Ennianum illud apud Cic. or. 45, 152 *Scipio inuicte* defendi et excusari uidetur eis exemplis, quae Lachmannus ad Lucr. p. 387 sq. Bergkii Beitr. I 71 Vahlenus Herm. XVII 601 laudant, Plaut. Men. II 3, 78 *'Eho Messénió accéde huc*, Amph. II 2, 196 *'Amphitruó aliús qui forte*, aliis plus minus incertis; aut, quod equidem suadeam, ex insequentium uersuum dictione emendationem repetas; Tyndarus enim haec uerba ad Hegionem facit: *Hégio; hic homo rabiosus habitus est in Alide: Né tu quod istic fabuletur auris inmittas tuas. Nám istic hastis insectatus est domi matrem et patrem, 'Et illic isti, qui sputatur, morbus interdum uenit. Próin tu ab istoc procul abscedas.* Nam cum omnibus qui insequentur uersibus Aristophontes a Tyndaro iste pronomine significetur, etiam primo quem exscripsi uersu sermonem eodem modo institutum fuisse conicias: *Hégio, istic homó rabiosus hábitus est in 'Alide.*

Iam unus restat uersus Plautinus, in quo *hic* productum librorum manu scriptorum fides testatur; quod tamen testimonium non ui opprimamus necesse est, immo ipsa oratio uitium et errorem praefert: Amph. I 1, 144 *Cláre aduorsum fábulabor, hic auscultet quae loquar: 'Igitur demum mágis maiorem in sése concipiét metum.* Haec

uerba Mercurius submissa uoce dicit, priusquam eum se grauissimis suppliciis persecuturum clare profitetur, qui illo tempore sibi obuiam futurus sit; significat autem Sosiam, qui in propinquo se occultat illumque enitare studet, atque clare se fabulaturum commemorat, ut ille quae mox dicturus sit exaudiat. De sententia igitur illius enuntiati cum nulla sit dubitatio, tamen dictio ab usu loquendi Plautino aliena est. Particulam enim quam dicunt finalem Plautus ita tantummodo addere omittit, si *oro* (cf. Heerdegenus Untersuchungen zur lateinischen Semasiologie III 24) *obsecro moneo uolo* ad coniunctiuos accedunt ceteraque uerba, quae nihil aliud quam ipsius coniunctiuui uim ac notionem accuratius definiunt. Sed ubi noua quaedam actio, qua aliquid efficiatur, enuntiato primario continetur, non potest *ut* deesse. Certe ex huius generis uersibus, quos Holtzius synt. prisc. scr. lat. II p. 167, 170, 171 exscripsit (nam Kuelnerus II p. 808 et Draegerus § 409 sua ex Holtzio sumpserunt), unus est Plautinus et is aperte corruptus pridemque emendatus, ceteri sunt ex prologis et ei quoque partim incerti uel deprauati. Nam Poen. prol. 108 apud Holtzium quidem legitur *Dat aurum, ducat noctem*, sed Geppertus *Dat aurum, ducit noctem* expressit nulla scripturae uarietate commemorata; Amph. prol. 8, ubi traditum est *Vti bonis uos uostrosque omnis nuntiis Me adficere uoltis, ea adferam, ea uti nuntiem*, Goetzius et Loewius *ea uti nuntiem adferam* ediderunt; Amph. prol. 11 *Nam uos quidem id iam scitis concessum et datum Mi esse ab dis aliis, nuntiis praesim et lucro* propius accedit ad Plauti consuetudinem. In uno autem loco uere Plautino Epid. II 3, 9 *mane me iussit senex Conducere aliquam fidicinam sibi hic domum, Dum rem diuinam faceret, cantarét sibi* neque Geppertus neque Goetzius codicum scripturam seruauerunt: ille mutauit *fidicinam sibi, ut domi*, hic *fidicinam quae hodie domi*, Guyeto *fidicinam me quae domi* praeunte. Quae cum ita sint, Amph. I 1, 144 nudum coniunctiuum cum Plauti sermone pugnare contendo et *ut* coniunctionem uel ante *hic* uel post intercidisse existimo; Goetzius quoque et Loewius in ipso quidem uersu *fabulabor, hic auscultet* intacta reliquerunt, sed in margine recto sensu sitne *ut hic* corrigendum suspicantur. —

Apud Terentium unum producti *hic* nominatiui exemplum exstat idque prorsus incertum, quia optimus codex aduersatur. Nam Phorm. V 9, 38 cum libri ex Calliopii recensione ducti praebeant *Sic dabo: age nunc Phormionem qui uolet lacessito: Fazo tali eum mactatum, atque hic est, infortunio*, Bembinus alterum uersum hunc in modum tradit: *Fazo tali sit mactatus, atque hic est, infortunio*. Atque sermonem si spectas, neutra scriptura habet cur aut praeferatur aut repudietur, cf. Heaut. II 3, 100 *Ademptum tibi iam fazo omnem metum*, Adelph. V 3, 60 *Atque ibi fauillae plena fumi ac pollinis*

Coquendo sit faxo et molendo; fidem autem maiorem sibi poscere Bembinum ex Conradi Sydowii libello de fide librorum Terentianorum ex Calliopii recensione ductorum (Berol. 1878) cognoscitur, qui etsi de illa discrepantia disserere praetermisit, tamen eiusmodi mutationes consulto factas, qualis etiam Phorm. V 9, 39 deprehenditur, non librario codicis Bemhini sed censori librorum Calliopianorum tribuendas esse explorauit. Itaque cum Bemhini scriptura maiorem ueri speciem prae se ferat, illud fortasse aliquantum mouebit dubitationis, quod unus pes quintus *atque hic est* uocabulis efficiatur; sed haec dimensio nullam habet suspicionem, quia alibi quoque apud Terentium similes inueniuntur, uelut Andr. IV 4, 48 in senarii principio *Hic est ille*, Andr. I 5, 2 pes quintus octonarii iambici constat ex *quid est si hoc*, cf. Phorm. II 3, 64 *quid est*, aliaque quorum Spengelius in introductione Andriae p. XXVII sq. mentionem facit. —

Ne in ceterorum quidem comicorum tragicorumque fragmentis, quae Ribbeckius recensuit, certum est producti *hic* nominatiui testimonium: nam aut libri alia produnt atque nunc eduntur, aut numerorum uersuumque descriptio aliter potest institui: Caecil. Stat. 218 *hic anét, Fámiliue famé perbitant* (*pereant* codd. Nonii), *áger autem stet séntibus*, si *perbitant* recte pro *pereant* est substitutum, licet etiam senariis haec composita esse suspicari; Afran. 6 — *adeste, si hic* (*hac* libri Nonii) *absente nóbis uenierit puer*; Pompon. 156 *Quis hic est? quamóbrem hic próstat? rictum et lábeas cum considero* ipse Ribbeckius adnotat „*quis hic est* alii praeferant“; Att. 122 *Fortásse an sint, quos híce* (*hic* Non.) *non mertét metus*; trag. inc. inc. 93 *Hicine ille est Télamo, modo quem glória ad caelum éxtulit*, libri optimi Cic. Tusc. disp. *hicine est ille*; trag. inc. inc. 151 *Nimirum hic ille ést uir talis tántis opibus praépotens*, cod. Charisii *nimirum hic est ille talis uir*; uno autem loco, quo ex librorum memoria *hic* producit, Afran. 135 *Consímili grassantúr uia, quibus hic est omnis cúltus*, nec cogit nec suadet quicquam, ut *hic* nominatiuum esse interpretemur.

Itaque cum praeter eos de quibus exposui uersus alium, quo *hic* productum certo demonstretur, equidem apud uetustiores poetas scaenicos nullum inuenerim, iam exploratum puto, ab eis quos dixi poetis *hic* nominatiuum constanter correptum esse¹⁾, cuius rei grauiora etiam argumenta in altera commentatione proferentur. —

In *illic* et *istic* nominatiuis productioni posterioris syllabae nullum esse locum, ipsa horum uocabulorum origo aperte ostendit, quippe quae non, ut ueteres gram-

1) Primum productionis exemplum apud Ennium exstare uidetur in hoc hexametri mutili principio (annal. 127 Vahl.) *Hic idem*, praecedat autem *fecit*. — In Luciani Muelleri Lucilio *hic* producit III 8, XI 22, (XXX 98, 110), corripitur nusquam.

matici Latini ac nostra aetate etiam Corssen Ueber Aussprache cet.² II 633 opinati sunt, ex *ille* et *hic*, *iste* et *hic* sint composita, sed ex *illece istece* plenioribus formis debilitata atque imminuta; ut autem *ille iste* pronominum posteriores syllabas correptas esse inter omnes constat, ita idem de *illic istic* nominatiuis¹⁾ iudicari existimarem, nisi multae hac ipsa re uitiosae doctorum coniecturae rem aliter se habere docerent. Quas cum ad hanc quaestionem decernendam nullam uim habere consentaneum sit, solos eos uersus commemorabo, qui ex librorum memoria aduersantur: Men. I 1, 22 *Nam illic homo hómines nón alit uerum éducat*, Truc. V 25 *Séd ecam uideo: heus amícam quid agis mille quis illic homó*, quos deprauatos esse permulti illi loci conuincunt Herm. VI 278 sqq. congesti, quibus aut *illic homó* aut *illic homo* — pronuntiatum est. Atque in illo uersu Ritscheli *hercle* inseruit: *Nam illic homo hercle hómines*, ubi tamen *Nam hercle illic homo hómines* ponendum fuisse Kellerhoffius De collocatione uerborum Plautina p. 24 monuit; Seyffertus enim Stud. Plaut. p. 21 docuit „inter *nam* et *hercle edepol pol* uoces a Plauto numquam alia uocabula interponi nisi pronomina cum *quidem* particula coniuncta“, idemque postea Brixius in append. crit. ad Capt.³ 893 exemplis confirmauit; Brixius Men. I 1, 22 Bergkiana illa forma *homones* ascita *Nam illic homo homónes* edere maluit. Truc. V 25 autem *est*, quod uerbum abesse non potest, nunc recte cum Weisio ante *homo* additur: *quis illic ést homo*. Pseud. IV 1, 44 uero, ubi libri tradunt '*Illicínést? Illic est. Mala mercist. Illuc sis uide*, etiamsi *illic* pro spondeo habes, numeri non constant. Non minus aperte uitia praeferunt Merc. V 2, 40 *ilicobiecit* (sic B, *illi obiecit* rell.), ubi Ritscheli et Goetzius *mi obiecisti* ediderunt, Truc. II 7, 35 apud Muellerum Plaut. Pros. p. 118 et 399, ubi numeri nunc aliter describuntur. His librariorum erroribus refellendis ne diutius operam perdam facit adsensus, quo mea sententia de syllaba posteriore *illic* et *istic* nominatiuorum constanter correpta, postquam eam Herm. VI 279 proposui, a Buggio annal. philol. 107 p. 413 et 415, a Fleckeiseno ibid. p. 414, a Brixio ad Men. 98, ab aliis uiris doctis probata est. —

Sequitur ut de neutrius generis nominatiuis *hoc illuc istuc* disputem, quorum syllabas finales ab eis quos significauit poetis etiam correptas esse ab nonnullis existimari uidetur. Cuius tamen opinionis argumenta pariter admodum futilia sunt. Nam cum *hoc illuc istuc* ex *hodce illudce istudce* orta sint (cf. praeter alios Corssen Ueber

1) Correptionis testimonia etiam horum senariorum exitu continentur: Curc. II 2, 24 *Pro di immortales, quem conspicio, quis illic est?* Merc. II 2, 42 *Si unquam uidistis pictum amatorem, em illic est*, Mil. I 1, 22 *Aut gloriarum plenior quam illic est*.

Aussprache cet.² I 647 II 97 457), proprie *hocce illucc istucc* scribendum fuit; atque licet consonans in extremo uocabulo a Latinis numquam duplicetur, tamen ex satis magno numero uersuum illud euidentissime apparet, syllabam extremam illarum formarum pro longa usurpatam esse ueramque earum originem priscis poetis Latinis nondum memoria excidisse. Productio autem ita explicanda est, ut aut pronomina illa, ubi proximum uocabulum a uocali incipit (uelut *hoc est, illuc est*) duplicata consonante finali *hoccest illuceest istuceest* sint pronuntiata ¹⁾, aut ut uocalis, postquam *d* consonans in similitudinem insequentis *c* gutturalis abiit nec tamen uoce aut scriptura significata est, supplementi causa producta sit, quam rationem Ersatzdehnung appellant. Hinc elucet improbandam esse Ribbeckii Beitr. z. Lehre v. d. lat. Part. p. 21 sententiam, qui cum *atque* coniunctionem pyrrhichium aequare posse contenderet, hanc correptionem ita defendit, ut dentalem ante *q* gutturalem eiectam esse statueret; quam coniecturam *ac* particula confirmari putat, quippe quae ipsa dentali eiecta (et *e* finali amissa) orta sit ²⁾. Sed neglexit uir doctissimus insequente gutturali dentalem numquam ita euanescere, ut nullum sui uestigium relinquat, sed eam, si ui gutturalis opprimitur, aut in similitudinem gutturalis abire (*acque* uel *acce*, cf. *acquiescere, accedere*) aut uocalis proxime praecedentis productionem efficere. Itaque uocis *atque* priorem syllabam, ubi ictu metrico feritur, siue uocabulum proxime insequens a consonante siue a uocali incipit, correptam esse nego; illud potius quaeritur, sitne in eis uersibus Plautinis, quorum numeris pyrrhichiaca *atque* particulae mensura exigi uideatur, *ac* pro *atque* supponendum, qua de re etiam Spengelius Ref. p. 311 adnot. ad Pseud. 1320 cogitat.

1) Cf etiam Bergkii Beitr. I p. 76 n. 1 „In dem Neutrum *hocce, hocine, illuce, illucine, istucine* und ebenso in den Ablativen *hocce* und *hace* liesse sich die Geminatio aus der Assimilation des *D* erklären, allein die Inschriften bestätigen dies nicht, indem sie überall nur einfaches *C* zeigen, auch da, wo die Geminatio bereits allgemein war. Im Oskischen ist ebenso wenig eine Spur der Verdoppelung in diesem Falle vorhanden. Das *D* kann eben dem *C* (*K*) gegenüber sich nicht behaupten, sondern wird sofort unterdrückt. Nichtsdestoweniger wird die Sylbe als lang betrachtet, Terenz Eun. IV 7, 12: *illuc est sapere*, Hecyr. IV 3, 2: *istuc est sapere*, unter Umständen jedoch auch verkürzt“. Praeterea *illuc* productum habes uelut Rud. IV 7, 32, Merc. I 2, 10; *istuc* Epid. V 1, 52; Adolph. III 3, 32, Heaut. II 3, 105, II 3, 107 (*istut* A), III 2, 47; *hoc* productum est e. g. Asin. V 2, 14, Capt. V 1, 10, Epid. V 2, 48, Men. IV 2, 74, V 9, 63, Mil. II 2, 63, III 2, 34, Pseud. IV 2, 5, IV 7, 55; Hec. I 2, 119, Andr. IV 1, 41, Eun. II 3, 35.

2) Etiam Corssennus Ueber Aussprache cet.² II p. 645 n. *) docet „An den Stellen, wo bei Plautus *ätque* gemessen erscheint, ist *äc* gesprochen worden“; cf. Muellerus Nachträge p. 40 n. 1.

Neque uero *hoc* nominatiuum correptum esse certo ullo uersu confirmatur, nisi forte lege illa Lachmanniana (ad Lucr. p. 116) appellata uersus adsciscis, qualis est Truc. II 6, 56 *Téne tibi. Hócine mi ób labores tántos tantillúm dari* uel similes atque Andr. I 5, 1 *Hocinést humanum fáctum aut inceptum? hócine est officiúm patris?* His enim uersibus nihil omnino demonstrari inde apparet, quod eadem ratione etiam *haecine huncine hoscine* similium formarum primas syllabas breues fuisse concludere licet, id quod nemo inde concludere ausus est. Neque plus argumenti ceteris subministrari uersibus, quibus *hoc* corripí uidetur, iam Seyffertus Stud. Plaut. p. 13 declarauit, cuius uerba ipsa transcribere libet: „Ba. 1099 (V 1, 13) *Hoc hoc ést quod [pectus] péracescit, hoc est démum quod pér-crúior*. Hanc Hermanní scripturam Ritschelí et Fleckeiseno probatam propterea ueram putare nequeo, quod *hoc* pronomínis mensura a scaenicorum usu discrepat. Quod pronomen cum non corripiatur nisi eisdem condicionibus atque *hic* et *huc* aduerbia, ut et ipsum extra ictum positum sit et antecedit vox monosyllaba atque brevis — nam Ba. 720 (IV 4, 69) *Quíd tu loqueris? Hóc ut futuri sumus* ss. iam R. rectissime scripsit *loquere? Hoc ut* ss.; Mgl. 229 (II 2, 74) *Túte unus si recipere hóc ad te dicis* ss. idem *Tute unus si hoc recipere ad te*¹⁾ ss. vel *Tute hoc si unus* ss. (praef. Stichi p. XVII*); Cas. IV 4, 2 *Sospés iter incipe hoc út viro tuo sémper sis superstes* Guietus *incipe hóc, viro ut* ss.; Pseud. 140 (I 2, 7) autem *Hóc eorum opust* uerba ionicum a maiori aequare putanda sunt, si sic recte se habet uersus initium, id quod maxime dubium est; quod R. denique Mgl. 1062 (IV 2, 70) in notis dixit licere etiam *heu hóc écastor*, nequaquam licere ipse credo iam intellexit —, pronomen igitur illud cum praeter eas quas diximus condiciones non corripiatur, quae in libris leguntur, nisi sic metiri non licet: *Hoc hóc est quod — péracescit, hoc ést demum quod pér-crucior*. Versus igitur octonarius anap. est, ut ei qui antecedunt, lacuna autem explenda est *cor* uocabulo, cuius usum apud Plautum frequentissimum esse constat.“

Reliquum est, ut de *illuc* et *istuc* exponam. Atque *illuc* cum correpta syllaba posteriore nusquam inueni; *istuc* autem eam mensuram postulat praeter Andr. V 4, 38 *Cum túa religione, ódium nodum in scírpo quaeris. Quíd istuc est?* Truc. II 7, 57, ubi apud Schoellium legitur *Túm pol ego et donís priuatus sum ét perii. Plane istuc est* idemque Spengelíus olim ediderat, nuper tamen Ref. p. 425 septenarium anapaesticum

1) Rectius etiam, cum B *tu deunius*, CD *tudeunus* tradant, Muellerus Nachtr. p. 77 et Brixius seruato uerborum ordine *Tu únus si recipere hoc ád te restituerunt*, nam „*tute*“ ait Brixius „ist hier nicht am Platze.“

descripsit haec adnotans: „Die Endsilbe von *istuc*, *illuc* ist immer lang.“ Et profecto cum *illud illut illuc* et *istud istut istuc* scripturae in codicibus haud raro inter se permutentur atque adeo *illud est* et alibi usurpatum et Andr. I 1, 98 *Percussit ilico dnimum. attat hoc illud est* in eadem uersus parte positum sit, illis uersibus non id coargui puto, ueram *illuc istuc* formarum prosodiam tum coepisse in obliuionem uenire, sed potius codicum memoriam deprauatam et *istud (istut)* pro *istuc* restituendum esse: *Quid istud est?* et, siquidem Truc. II 7, 57 trochaeos agnoscis, *plane* (an *planum?*) *istud est*. Nec enim, cum tam certa productionis testimonia (cf. p. 11) suppetant, ullo modo ueri simile uidetur, *istuc* etiam correpta posteriore syllaba pronuntiatum esse, praesertim in iambico uersuum exitu, ubi ne spondeus pro iambo substituatur senerissime cauere solet. Quod uero Fridericus Schmidtus, Quaestiones de pronominum demonstratiuorum formis Plautinis p. 81, Plautum Terentiumque sola forma *istuc* usos esse contendit, equidem ne *istud* a sermone illorum poetarum alienum esse arbitrer primum eo adducor, quod etiam inter *istaec* et *ista* neutr. plur. ea ratio intercedit, ut saepissime quidem *istaec* ponatur, nihilo minus autem bis terue et apud Plautum et apud Terentium *ista* ita traditum sit, ut nisi ui adhibita *istaec* non possit in uersus inculcari: Dziatzko quidem Adelph. II 1, 31 et IV 5, 43 *ista* seruauit itemque cum Loewio Goetzius Amph. II 1, 42, quem nunc etiam Asin. III 2, 32 a librorum memoria non recessurum puto. Deinde quamquam non refragor, quominus etiam Phorm. III 2, 39, ubi Bembinus *istut* praebet, cum ceteris libris *istuc* edatur, cum praesertim *istuc* pronuntiandum sit, tamen apud Plautum compluriens *istud* ab omnibus codicibus exhibetur, et Goetzius Asin. III 3, 54 quidem *istuc* pro librorum memoria *istud* expressit, sed postea Aul. III 5, 16 *istud ius* noluit cum Schmidtio in *istuc ius* mutare; omnino autem, certe si posterior syllaba in arsi est, *istud* (uel *istut*) ubi proditum est mihi uidetur seruari posse: Most. IV 2, 63 *neque istud aio*, Capt. IV 2, 118 *spónden tu istud* (ita B, cf. Studemundus annal. philol. 113 p. 75) et ubicumque praeterea a libris praebetur. Denique cum *illud* a Plauto et Terentio usurpatum esse constet, cur *istud* prorsus damnandum sit equidem non uideo.

Summa igitur disputationis nostrae haec est: apud uetustiores poetas scaenicos constanter in nominatiuis *hic illic istic* syllaba finalis corripitur, producitur in *hoc illuc istuc*.

In altera huius commentationis parte, qua de particulae *quidem* cum pronominibus personalibus possessiuis relatiuis coniunctae mensura et pronuntiatione exponere in animo est, ante omnia, ne diuersa permisceantur, anapaestos secernamus

oportet, ut in quibus alias uocabulorum dimetiendorum normas atque in iambis trochaeisque obseruari et unius fere syllabarum quantitatis rationem haberi constet. In anapaestis igitur *quidem* pronomibus additum est: Bacch. V 2, 58 *Ego quidem ab hoc certe exorabo*; Pers. II 1, 2 *Nimis tandem me quidem pro barda*; Pers. II 1, 4 *Me quidem iam satis tibi spectatam*; Stich II 2, 5 *Nam me quidem harum miserebat* Ambros., *nam equidem harum miserebat* BCD; anapaestos agnouit Spengelius Ref. p. 417, trochaeos descripsit Ritschelius *Nam me quidem miserabat harum*, ubi *quidem* pronuntiatio mihi uitiosa uidetur; melius proposuit Frid. Schmidtus de pronom. demonstr. p. 51 *Nam harum me quidem miserebat*, Loewius Anal. Plaut. p. 213 *nam me equidem miserabat harum*; Bacch. V 2, 50 *Non homo tu quidem es qui istoc pacto*: Cas. II 2, 34 *Satin sana's? nam tu quidem aduersus*, ex quo uersus simillimus Cas. II 2, 30 fictus esse eoque a Spengelio Ref. p. 355 merito omitti uidetur; ceterum cur cum eodem uiro docto Stich. II 2, 5 Bacch. V 2, 50 Cas. II 2, 34 *equidem* pro *quidem* substituatur, ego non satis causae esse duco; Pers. II 1, 11 *Miser est qui amat. Certo is quidem nihilist*; Bacch. V 2, 76 *iam pol id quidem esse haud perlonginquum*; Bacch. V 2, 65 *Quem quidem ego ut non excruciem*; Poen. V 4, 8 *Certo enim quod quidem ad nos attinuit*, ubi anapaestos statuit Spengelius Ref. p. 394, uulgo cretici describuntur ita demum probabiles, si cum Petro Scherero, De particulae *quando* apud uetustissimos scriptores latinos ui et usu (Argentorati 1883) p. 40, *attinuit* siue *attineit* corrigas: *Certo enim quod quidem ad nos duas* (ita codd. cum A) *attineit*.

Ab anapaestorum autem turbulentis ac tumultuosis numeris longe distat iamborum trochaeorumque moderatio et constantia, licentiaeque pronuntiationis, quae in illis sine ullo pedum discrimine frequentissime usurpantur, in his aut omnino uitari solent aut raro certisque quibusdam pedibus permittuntur. Nam quae in anapaestis fere una dominatur quantitas, in ceteris numeris temperatur obseruatione accentus ita, ut certa uocabulorum genera in aliis syllabis ictus metricos recipiant, ab aliis excludant. Atqui particulae *quidem* pronuntiatio nihil singulare aut proprium sibi postulare uidetur, postquam sententia illa primum a Ritschelio commendata, qua priorem eius uocis uocalem eicere liceret, ab ipsis suasoribus est improbata: nam ad ceterarum uocum iambicarum exemplum etiam *quidem* aut pro iambo aut pro pyrrhichio esse, prout in posteriorem aut in priorem syllabam ictus metricus incidat, pridem uidetur exploratum esse. Sed diligentius perpendenti rem aliter se habere persuadebit ipsa illa accentus in ceteris praeter anapaestos numeris obseruatio. Nam quoniam *quidem* non est suae potestatis uox sed alterius uocis indiget, cui ipsa possit adhaerescere, hinc necessario concludendum est *quidem* non suum habere accentum sed

praecedentis uocis accentu comprehendī. Itaque non recte quaeritur, quae sit particulae *quidem* in uersibus mensura, sed quomodo (exempla petam e pronomīnibus, de quibus nunc expositurus sum) *me quidem*, *tu quidem*, *qui quidem* numeris soleant inseri; nec iam agitur de iambica particula *quidem* sed de creticis uel etiam, in tanta soni in finalis debilitate, dactylicis uocibus *mequidem* *tuquidem* cet. eiusdemque mensurae sunt *mihiquidem* *meoquidem* sim., siquidem *mihi meo* una uocali producta efferebantur. Et haec ratio usu prorsus confirmatur: nam eadem normae, quae in ceteris uocibus creticum uel dactylum aequantibus, etiam in compositis *mequidem* *tuquidem* cet. a Plauto obseruatae sunt: itaque diligentissime cauetur, ne in altera syllaba ictus ponatur, *mequidem* *tuquidem* similiterque *egoquidem* *mihiquidem* cet., praeter unum pedem primum uersuum iambicorum. In hac enim sede cum pronuntiatio *omnibus consiliis militis accipin nescio* sim. admittatur (cf. Ritscheliū prolegom. p. CCXXIV, Oscar Brugmanus Quemadmodum in iambico senario Romani ueteres uerborum accentus cum numeris consociarint p. 42 sq., Paulus Mohrius De iambico apud Plautum septenario p. 19 sq., Spengeliū Reformvorschlāge p. 306 sq.), etiam *mequidem* *mihiquidem* cet. nihil habent miri. Qua licentia Plautus usus est in principio senariorum Poen. V 6, 12 *Meae quidem profecto*, Rud. III 5, 4 *Meas quidem te inuito*, Merc. IV 5, 9 *Sua quidem salute* Camerariū Guyetū Ritscheliū Goetziū, cum *quidem salute* libri, Bacch. IV 8, 47 *Qua quidem te faciam*, Truc. I 1, 51 *Quos quidem quam ad rem*, ubi cum una syllaba desit, Bothiū et Ritscheliū *quamnam ad rem*, Brixii et Schoellii *quos equidem quam ad rem* scripserunt, (Asin. prol. 2 *Quae quidem mihi atque*); in primo pede septenariorum Persa I 1, 20 *Mihi quidem tu iam eras mortuos*, Asin. II 4, 76 *Tibi quidem supplicium caruifex*, quem uersum Vssingius et Goetzius subditium esse censent; in quinto pede septenariorum Pers. II 4, 11 *Tua quidem cucule causa*, Epid. II 1, 11 *Quae quidem pol non maritast*; contra non est huius generis Asin. II 4, 72 *Id quidem tibi hercle fiet*, ubi *hercle* falso a *quidem* diremptum (cf. Herm. VIII 121 sq.) indicat uerborum ordinem turbatum esse, Reiziū autem Fleckeisenus Vssingius Goetzius cum cod. F *id tibi quidem hercle fiet* restituerunt. Longius etiam illius licentiae usus progressus est in his trium senariorum et unius septenarii principiis: Aul. II 4, 4 *Me quidem hercle hic hodie tam palam non diuides* ex Muelleri coniectura a Goetzio recepta, *Me quidem hercle dicam palam non diuides* libri, Trin. II 4, 158 *Meus quidem hercle numquam*, Capt. I 2, 17 *Quod quidem ego nimis quam*, Rud. II 2, 16 *Eum quidem ad carnificem*.

In ceteris uersuum iambicorum pedibus et in trochaeis Plautus eam pronuntiationem nec aliis uocibus creticis dactylicisque nec pronomīnibus cum *quidem* compo-

sitis concessit sed his constanter binos ictus alterum in prima alterum in postrema syllaba tribuit, *méquidém téquidém isquidém* itemque *égoquidém* cet., nisi quod in primo et quinto pede septenariorum trochaicorum ut uoces dactylicae ita etiam *tuquidem* et *quiquidem* perpaucis locis pro singulis trochaeis posita sunt. Iam omnia exempla primum bisyllaborum deinde monosyllaborum pronominum quam breuissime exscribam notulisque additis pronuntiationem significabo.

égo quidém Cure. I 3, 59 V 2, 20 Men. II 3, 48; *nam égo quidém* Men. IV 3, 10 Mil. II 3, 76; *égo quidem hércle* Asin. V 1, 15 et ex Seyfferti coniectura omnium quotquot de hoc uersu prolatae sunt maxime probabili, quamquam de sententia dubitatio residet, Aul. III 6, 34 *Non quód potem égo quidem hércle habeo. At ego iússero*, ubi libri *quod* et *habeo* omittunt; *égo quidem úsquam* Men. IV 2, 49 (619); *égo quidem huius* Men. V 9, 12; olim Amph. II 2, 132 edebatur *Dixit? 'Ego quidem éx te audiui*, sed quia in BEJ et ut uid. etiam D *ego equidem* exstat, Fleckeisenus inuertit harum uocum ordinem: *Dixit? 'Equidem ego éx te audini* et Seyffertus Goetzius Loewius adstipulati sunt; Poen. V 3, 46 *Ego quidem meos amores mecum confido fore* senarium supra modum luxuriantem Geppertus ita in suos fines restringere conatus est: *Meos équidem amores* cet.; lenius uidetur *quidem* resecari: *Ego méos amores*. Ab illa pronuntiandi consuetudine *égo quidém* semel, si libros sequeris, receditur, Epid. II 2, 18 *'Et ego Apoecidés sum. Et égo quidem sum 'Epidicus. sed, ere, óptuma* cet., ubi Geppertus, ut proceleusmaticum tolleret, *sum* posteriore loco induxit; mihi magis probatur Muelleri ratio *Et quidem ego sum* transponentis, qui uerborum ordo usu loquendi Plautino etsi non flagitatur at certe commendatur. —

Vt alibi ita etiam, si *quidem* adnectitur, *mihi* et *tibi* duplicem habent mensuram, ut aut pro iambo sint aut pro pyrrhichio.

míhi quidem hércle in senariorum principio Merc. IV 4, 22 Poen. I 1, 23 Trin. III 3, 32.

tíbi quidem hércle in eadem uersus parte Poen. I 3, 3 Rud. I 2, 20; *ét tíbi quidem hércle* in primo septenario trochaico Truc. IV 3, 40.

míhi quidém Asin. I 3, 24 Bacch. I 2, 3 Pseud. I 3, 76 Rud. II 6, 67 Truc. II 4, 28 Poen. V 6, 16, quem uersum A omittit; *míhi quidem íno* Amph. II 1, 63; *míhi quidem hércle* Amph. III 4, 3 Most. IV 3, 28; *míhi quidem aéquomst* Aul. III 5, 26; *míhi quidem édepol* Cas. V 4, 31 Merc. II 3, 59, ubi *mihi quoque ita pol* Ritschelius et, quod uix est Plautinum, *mi quidem item edepol* Seyffertus Philol. XXVII 454 sq.; *míhi quidem hódie* Men. V 7, 50; *míhi quidem aétas* Trin. II 2, 38; *míhi quidem átque* Truc. II 4, 27.

tibi quidem Epid. V 1, 46 Merc. I 2, 103 III 1, 4; *tibi quidem hércle* Asin. II 4, 72 cf. supra p. 15; *tibi quidem édepol* Cas. II 6, 8 II 6, 31 Rud. II 6, 73; *tibi quidem íntust* Truc. I 2, 86.

Proceleusmaticis duo uersus deformantur: Mil. II 2, 3 *Mihi quidem iam árbítri uicini sînt, meae quid fiât domi*, sed haec Palatinorum scriptura ipso Ambrosiano corrigitur, in quo cum *mihi equidem iam* exaratum sit, Brixius et Ribbeckius cum Ed. Beckero *Mi équidem iam árbítri* exprimi iusserunt. Eam quae hic Ambrosiano supplebitur medelam Brixius alteri uersui adhibuit, Capt. IV 2, 86 *'Esurire mihi uidere. Mihi quidem esúrio, nón tibi*, et *Mi équidem esúrio* reposuit; eadem dictione contrarium significatur Asin. III 3, 35 *Tibi équidem, non mihi, ópto*. — Controuersa est pedum distinctio Curc. IV 3, 15, ubi Fleckeisenus et Goetzius ita dimensi sunt: *Néc mihi quidem libértus ullus ést. Facis sapiéntius Quam latronum pars libertos qui habent et eos deserunt*; licet tamen etiam sic describere *Néc mihi quidem libertus úllust* (sic B). *Fácis sapiéntius*, et hoc mihi longe uidetur praeferendum; nam proceleusmaticum, quamuis displiceat, in hac uersus parte alibi quoque compluriens admissum esse Muellerus Nachtraege p. 67 sq. exemplis confirmauit.

měá quidem hércle caúsa Men. V 1, 27 Rud. I 2, 51.

tűúm quidémst Poen. III 1, 70; *tűás quidem hércle* Rud. III 4, 32.

měúm quidém Truc. V 71; *měúm quidem édepol* Asin. I 3, 38; *měo quidem ánimo* Aul. III 5, 4 Bacch. I 1, 69 Cas. III 3, 7^b Curc. IV 2, 13 IV 2, 28 Men. I 3, 17 Merc. II 2, 43 Poen. I 2, 23 Rud. IV 4, 94, ad quorum exemplum pridem correctum est Aul. III 6, 3 *Tamen e meo quidem animo aliquanto facius rectius*, unde Gulielmius e sustulit, et Bacch. III 2, 10 *Nám pol quidem meo ánimo ingrato hómíne níl ínpénsiust*, quod Vssingius frustra uindicare studuit; nam uitium subesse ipsa *quidem* forma indicat, quam eiusmodi affirmationibus non adiungi sed praemitti Herm. XIII 499 et VIII 121 sq. exposui; aut igitur *Nám pol équidem měo ánimo ingrato hómíne* cet. aut, quod uerius esse duco, cum Bothio *Nám pol měo quidem ánimo ingrato* restituendum est; Epid. I 2, 8 *Íám istoc próbior es meo quidem animo, quom in amore temperes*, ubi Muellerus *es* suo loco reposuit, *měo quidem ánimo's*, pariter ac duo uersus proxime praecedentes in Ambrosiano omittitur recteque a Gepperto et Goetzio damnatur. — *měá quidém senténtia* Cas. III 3, 1 Men. I 1, 5; Poen. V 6, 1 B tradit *Decípitur nemo měá quidém senténtia*, CP autem ordinem prae inuerterunt: *nemo quidem međ*; errorem, in quo partem codicum modo deprehendimus, omnes libri (BJE) commiserunt Epid. III 3, 12 (388 G) *Fuit cónducibile hoc quidem mea senténtia*, correxit Acidalius. — *měá quidem hércle operá* Asin. II 2, 9; *měá quidem hércle caúsa* Men. V 7, 40; *měá quidém*

nihil istuc refert Pers. IV 3, 68; *mēa quidem* (*quidem* B *equidem* CD) *haec habeo omnia* Pseud. IV 7, 91.

tua quidem ille causa Men. V 2, 41; *tua quidem . . sors incertis numeris* Cas. II 6, 46.

sua quidem Most. IV 2, 13 (894 R) ex hac librorum memoria: *Nouit erus me. Sua quidem pol* cet., ubi, cum in *nouit* posterior syllaba producat, non opus est cum Spengelio Ref. p. 301 et 385 supplere *Nouit erus me. Suam quidem edepol*.

Ea quae uitari solet pronuntiatio *quidem* secundum librorum memoriam semel est admissa, Truc. II 7, 9 *Nēque mea quidem opera umquam nihilo minus* (*nihili omnib;* BCD *nihilominus* L) *properē quam pōtest peribit*, ubi, si numeri sunt trochaici, Lambinus, cui Spengelius et F. Schoellius adsensi sunt, recte uidetur *hilo*¹⁾ *minus* scripsisse: *nēque meā quidem opera umquam hilo*; iambos uel anapaestos describit Muellerus Plaut. Pros. p. 132.

crux ea quidemst Cas. II 6, 64 Geppertus, *crux ea est quidem* Camerarius, *crucias quidem* libri; *eam quidem hercle* Truc. II 2, 7; *ea quidem sunt* Pseud. I 1, 58; Men. III 2, 32 *Post eam quidem edepol tē dedisse intēllego* Vahlenus mihi uidetur recte olim (Mus. Rhen. XVI 633) emendasse *PE.* (= *Peniculus*) *Istām quidem edepol*²⁾.

ibi quidem Merc. V 1, 12.

mē quidem Asin. V 2, 70 Curc. III 32 IV 4, 8 Men. V 2, 104 Mil. II 4, 43 Rud. I 4, 24, ubi *tū facis mē quidem uiuere ut nūnc uelim* Fleckeisenus et Spengelius, *mē quidem ut uiuere nunc* libri parum probabiliter, Rud. IV 4, 121 V 3, 60 Stich. IV 2, 22; ex Brixii coniectura (ann. phil. 123 p. 54) accedit Curc. IV 3, 22 *Quid, ualeam? At tu aegrōta aetatem, si lubet, per mē quidem*, libri collocant *aegrota si lubet per me quidem aetatem*, uulgo *aegrōta si lubet per me aetatem quidem* ordinatur. — *mē quidem ultro* Bacch. IV 7, 27; *mē quidem hōdie* Bacch. IV 7, 43; *mē quidem umquam* Curc. IV 3, 8; *mē quidem haec* Stich. I 1, 50; *mecum quidem* Truc. V 66; *me*

1) Hanc uocem possis adsumere ad supplendum septenarium trochaicum Asin. II 2, 9 *Mēa quidem hercle operā* — *liber nūquam fies ocius*, si scribas *opera hilo liber nūquam* uel uegetioribus numeris *operā numquam hilo liber*; cf. Stich. V 1, 3 *Qui hercle illa causa ocius nihilō uenit*.

2) In fragmento Astrabae Plautinae apud Varron. de l. l. VI p. 249 Sp., quod Lachmannus Mus. Rh. VI (1839) 120 et ad Lucr. p. 304 ita descripsit: *Sequor hercle eam* (*herclem* corr. ex *erclem* ut uid. cod. Flor.) *quidem*, *nām libenter mēa sperata cōsequor*, emendandum potius esse *Sequor hercle equidem* primus uidit Leon. Spengelius Ueber die Kritik der Varronischen Bücher de Lingua Latina Abh. d. Bayer. Ak. d. Wissensch. philos.-philol. Kl. VII (1855) p. 463.

quidem, non quod in libris (BCD) traditur *me equidem*, uerum esse Bentleius Bothius Ritschelius Brixius Vahlenus consentiunt Men. III 3, 27 *Di mé quidem omnes ádiuuant augént amant*; itemque Epid. III 4, 61 *Neque mé quidem emere quísqum ulla pecúnia Potuit* Ambrosiani scripturam *neque me equidem* errori tribuendam esse iudico; quam si praeferres, *neque equidem me* transponendum ueri simile est; nunc cum omnes libri in uerborum ordine conspirent, a *mé quidem émere* Palatinorum memoria merito non disceditur. — Pers. II 2, 38 sub finem haec tradita sunt: '*Itanest? Itanest. Múla's. Scelestus*'. *Décet me. Mé quidem haúd decet*; uitium, quod ipsa sententia indicat, Rostius op. I p. 263 sq. ita remouendum esse coniecit, ut *Mé decét. Me haud dédecet* scriberetur, Bothius *Mé quidem áddecet* maluit; aliae quoque coniecturae in promptu sunt, modo ne comprobes quod Ritschelius expressit *Mé quidem item áddecet*. Contra non *me quidem* cum Gepperto sed *me equidem* cum Goetzio pro uera scriptura habendum est Epid. III 2, 42 *Nimis dóctus ille est ád male faciúndum. Mé quidem cértó Serúduit consiliis suis*: nam libri exhibent *met quidem* B¹ *me equidem* B² *me aequidem* J *meq quidem* E. Aduersatur normae supra constitutae unus uersus Amph. II 2, 117 *Hánc rogá. Me quídem praesente númquam factumst quód sciam*; sed hac dimensione, quae Fleckeiseno Goetzio Loewio placuit, certe non deterior, immo mea quidem sententia longe etiam praestantior est altera haec: *Hánc roga. Mé quídem praesente*; de rogu cf. Men. V 9, 47 *úbi lubét roga: réspondebo*.

nós quidém Pseud. I 3, 41; *nós quidem hércle* Merc. V 4, 60; his ex Ambrosiani fide addendum est Poen. III 3, 36 *Quis hic ést? Nescimus nós quidem istum qui siet*, contra Palatinos si sequerere *Nescimus nós istúm quidem qui siet* ordinantes, pronuntiationem haberes uitiosam; *nobis quidém* Rud. III 5, 51.

tú quidém Capt. I 2, 11 III 4, 42 Merc. I 2, 51 III 3, 10 III 4, 33 Mil. II 3, 51 IV 3, 18 (1111 R) Most. I 3, 104 Rud. V 2, 33; Epid. V 2, 1 cum traditum sit *Hábet. Immo edepol tú quidém miserúm me habes multis modis*, ut legitima diaeresis recuperetur, non licet cum Ritschelio et Goetzio seruato uerborum ordine *tú quidem miserum méd habes* scribere, sed reponendum est cum Bothio *tú quidém me miserum habes*. — *tú quidem's* sine *tú quidem és* Cas. II 5, 11 Most. I 3, 51 Pseud. IV 7, 55 Truc. I 2, 74; *tú quidem hércle* Men. II 2, 39 Pers. IV 4, 42 Pseud. I 1, 107 Rud. V 3, 13; *tú quidem édepol* Truc. I 2, 104 et cum libris Brixius Mil. III 1, 63 (659 R), ubi *túi quidem édepol* uulgo cum Camerario; *tú quidem éxpleri* Asin. I 3, 15; *tú quidem haú* Capt. I 2, 79; *tú quidem átque* Cas. II 6, 16. — In eis uersibus, qui ab hoc usu discrepant, non est habendus Most. I 3, 20 *Nolo égo te adsentari mihi. Nímis tú quidem stúlta's mulier*, quia solus codex B hunc habet uerborum ordinem, ceteri libri

rectius tradunt *Nimis quidem tu stulta's*; similiter Truc. II 2, 10 in A quidem recte legitur *Nimis quidem hic truculentust*, in BCD praeue *Nimis hic quidem truculentust*. — Persa II 2, 49 *Tū quidem haud etiam es octoginta pondo. At confidentia* cet. Ritschelius es post *octoginta* collocavit: *tū quidem haud etiam octoginta es pondo*, quae uix mutatio appellari potest, quia *es* et *est* saepissime in libris Plautinis peruersum locum occupare constat; Muellerus Plaut. Pros. p. 393 Ritschelio adsentitur. — Merc. I 2, 64 *Tū quidem ex bre orationem mi eripis. Taceō. Face*, quocum conferas uersum simillimum Stich. V 4, 36 *Hau tuum istuc est uereri te. eripe ex ore tibi*; in hoc si comprobas pedem quintum *eripe ex* syllabis effici, in illo quoque quin *tu quidem ex* pedem primum excuses facere non poteris; sin in Stich. Bothium sequeris *ex* tollentem, tum etiam in Merc. praepositionem spuriam habeas oportet. Eiusdem prorsus condicionis est Epid. I 1, 89 *Tū quidem antehac aliis solebas dare consilia mutua*, ubi Seyffertus Goetzius Spengelius *tū quidem* in *tu equidem* mutandum censuerunt. Vt in his duobus uersibus ita etiam Curc. I 3, 28 *Tū quidem utgilis. 'At meo more dormio: hic somnust mihi inusitata* dimensio primo pedi septenarii trochaici concessa est, quem simul cum pede quinto uocibus dactylicis tamquam refugium uideri patefactum esse p. 16 commemoratum est; quamquam si ratio postularet, *tū quidem* facillime posses efficere uoce *at* sublata, quam nonnumquam inuitis numeris additam a librariis esse constat, cf. Muellerus Nachtr. p. 16 ad Pseud. 1241 et Rud. 1006. — Alienum a Plauto *tu quidem* est; nam Bacch. 34 *Nam tu quidem credo excantare cuius facile cor potes* septenarius trochaicus a Ritschelio est compositus ex his Nonii p. 102 et Seruii in Verg. bucol. VIII 71 testimoniis *nam credo cuius excantare cor potest* et *nam tu quidem cuius excantare cor facile potes*; et Poen. I 2, 103 ceteri quidem libri tradunt *'Vt tu quidem huius oculos inlotis manibus tractes aut teras*, quam scripturam et sermonis insolentia et numerorum asperitas dissuadent, in Ambrosiano autem est *'Vt quidem tu huius oculos* cet., quod Muellerus et Plaut. Pros. p. 136 n. 1 mutari uetuit et p. 401 de *tu* hoc addit: Zusammenhang und Grammatik verbieten seine Stellung vor *quidem* oder am Anfang des Satzes. *Vt quidem* heisst genau das was gesagt werden soll: „(Nicht wahr,) zu keinem andern Zweck, als damit —?“. Cas. V 2, 37 uero, ubi Geppertus edidit *Nimis tu quidem hercle immerito nunc irata* [es, immo edepol probro], et oratio et numeri prorsus incerta sunt.

tē quidem Merc. V 2, 64 (912) Stich. I 3, 91 Truc. III 1, 21 IV 2, 38; *tē quidem edepol* Asin. III 1, 39. Ex duobus uersibus, qui inusitatam praebent pronuntiationem, Cas. V 4, 17 *Tē quidem oppressisset. Feci ego istaec dicta quae nos dicitis* simul cum praecedente corruptior est, quam de quo certi quidquam disputari possit;

quamquam, cum Ambrosianus *oppresset* tradat, *oppressisset* autem sententiae parum conuenire uideatur, priorem partem uersus ueri simile est ita constituendam esse: *tē quidem oppressit*, id quod etiam Ritscheliu op. II p. 682 n. arbitratus est. — Alterum uersum Poen. I 2, 68 *'Enim uero, ere, facis delicias. Dē te quidem haec didici omnia* et ipsum deprauatum esse, uitiosa proceleusmatici forma arguit; Geppertus, cui Muellertus Plaut. Pros. p. 391 sq. adstipulatur, *dē te equidem haec didici* correxit, cf. Aul. II 1, 18 *deceat te equidem uera proloqui* et Epid. III 2, 42 supra p. 19.

uōs quidē Cist. I 2, 27; *uōs quidem hērcle* Poen. III 2, 11; (*uōs quidem id* Amph. prol. 11).

is quidem ēdepol Pseud. IV 7, 102; *is quidem huius* Capt. V 2, 21; *pōl is quidem huius* Capt. II 2, 85, ubi pro librorum scriptura *hic quidem* Fleckeisenus et Brixius recte *is quidem* substituerunt, quia de absente Menarcho medico uerba fiunt, *hic quidem* autem solos ad praesentes refertur; *id quidē* Mil. II 4, 52 II 5, 65; *id quidēst* Aul. III 2, 7 Capt. III 4, 32 Men. V 4, 5 Mil. IV 3, 30 Most. III 1, 96 (628 R) Poen. I 3, 14 III 4, 27; *id quidem hōdie* Amph. I 1, 270; *id quidem ēdepol* Men. IV 2, 102; *id quidem hērcle* Pseud. I 1, 77; *id quidem in* Poen. III 5, 38; *pōl id quidem experior* Mil. III 1, 38; *pōl id quidem haū* Poen. I 2, 78; (ex *hic quidem* deprauatum est *id quidem* Poen. IV 2, 17). — Truc. III 2, 25 *Si rēre ueniat. 'Is quidem apud nōs est hic Strabax* apertum uitium Frid. Schoellius transponendo tollere conabatur: *is quidem hic apud nos est Strabax*; sed cum nomen proprium ipsum subsequatur nec inter complures Strabaces discernatur, *is quidem* omnino alienum uidetur; adsentior igitur Spengelio, qui *Hic quidem apud nos est Strabax* edidit. — Coniectura eaque uitiosa *id quidem* effectum est Aul. IV 4, 10 *Pōne. Id quidem pol tē datare crēdo consuetū senex*, in libris *dī quidem* traditur; nam ne pronomen *id* ad *datare* addatur, huius uerbi sensus uetare uidetur, qualis quidem ex aduerbio *datatim* cognoscitur, cf. in Ribbeckii com. Naeu. 75 et Afran. 222. Reponenda igitur Acidalii emendatio *Pōne. Equidem pol tē datare*.

quī quidē Amph. I 3, 8 Asin. V 2, 12 Bacch. IV 9, 68; *quī quidem istius sit modi* Trin. II 4, 151; *quāe quidē* Stich. I 3, 104; *quāe quidem illum* Most. I 3, 31; *quōi quidē* Bacch. III 3, 81; *quēm quidem ego hominem* Epid. I 2, 18; *quēm quidem hērcle* Merc. V 4, 19; *quām quidē* Epid. I 1, 9¹⁾; *quō quidem agno* Aul. III 6, 25;

1) Muellertus Plaut. Pros. p. 123 sq. eumque secutus Goetzius *ēdepol* ad librorum memoriam addiderunt, ut hic septenarius trochaicus euaderet: *Quām quidem te iam diu ēdepol perdidisse oportuit*. Sed ex eis, quae ego Herm. VIII 121 sq. et Kellerhoffius De collocatione uerborum

qui quidem Truc. IV 3, 58; *qui quidem huc* Bacch. V 2, 14; *qui quidem ad* Men. I 3, 21. — Normae quae a Plauto in uocibus eiusdem atque *qui quidem* mensurae obseruari solent, in compluribus uersibus uiolatae sunt, ex quibus tamen nonnullos deprauatos aut non recte constitutos esse apparebit. In his est Bacch. II 3, 7 *Adibo hunc, quem quidem ego hodie faciam hic arietem Phrix: itaque tondebo auro usque ad uiuam cutem*. Ritschellius priorem uersum talem qualem libri tradunt expressit, contra Hermannus ego eiecit: *quem quidem hodie*; sed ego pronomen in eiusmodi sententiis usitatum fuisse docent uelut Epid. I 2, 18 *quem quidem ego hominem inrigatum plagis pistori dabo*, Amph. II 1, 42 *quoius ego hodie in tergum cet.*, Amph. IV 2, 10 *quem pol ego hodie cet.*, permulti alii loci. Vera emendatio ipsa se offert, si hos uersus contuleris: Mil. V 1, 19 *quod tu's hodie hic uerberatus*, Mil. V 1, 28 *ut ted hodie hinc amittamus*, Pseud. II 2, 20 *procuram ego hodie hinc multos dolos*, Mil. V 1, 22 *quod ego hic hodie uapularim*; unde cum appareat *ego hodie hic* coniungi esse solita, in illo uersu rependum erit *quem quidem ego hodie hic faciam arietem*. — Curc. I 3, 37 *Quod quidem mihi polluctus uirgis seruus sermonem serat?* quo uersu is qui loquitur indignationem suam significat; sed neque dictio congruit cum ea, quae in eiusmodi exclamationibus usurpatur, nec interrogationem licet cum Fleckeiseno statuere, quia *quidem* a pronomini- bus interrogatiuis prorsus alienum est. Quod cum Vssingius intellexisset, *quidem* omnino abiecit et ad coniunctiuum *serat* in principio uersus *talem* uel *istum* accommodatum esse censuit; atque ipse in uersum *talem mihi* recepit, Goetzius *quid? istum mihi*. Sed siue his siue aliis uocibus primum pedem exples, illud constat *quidem* in eo uersu nullum locum habere; nam quae Zimmermannus in progr. Posn. 1880 p. 6 explicat, inutilia sunt. — Epid. V 1, 32 *Non me nouisti? Quod quidem nunc ueniat in mentem mihi*. Quod in duobus uersibus Truc. II 7, 37 et IV 2, 14 Spengelio et Schoellio per- missum est, quod praeterea Aul. II 1, 49 cum cod. Pal. VI Muellerus Plaut. Pros. p. 475 Seyffertus Z. f. d. Gymn. XXXIII 472 Brixius ad Trin. 1141 commendarunt, ut librorum scripturae *nouisti* et *nouistin* in *nosti* et *nostin* mutarentur, idem ut illi quoque uersui concedatur, mihi uidetur necessarium esse: *Non me nosti? Quod quidem nunc cet.*, cum praesertim Curc. III 53 et Men. II 2, 20 *nosti* et *nostin* et in codicibus et in editionibus legatur. — Hos igitur uersus si exceperis, *qui quidem* et *quae quidem*

Plautina p. 18 sqq. exposuimus, patet *edepol* itemque *hercle pol* *ecastor* aut post *quidem* collocari nulla uoce altera intercedente aut *edepol* cet. praecedere ita, ut *edepol* et *quidem* altera uoce, raro pluribus, dirimantur; utriusque positus exemplum habes in uno uersu Mil. I 1, 19 *Istud quidem edepol nihil est. Nihil hercle hoc quidem est*.

quater in trochaeis non sesquipedes, ut fieri solet, sed singulos pedes complent: semel in octonario Bacch. IV 9, 57 *hominem ad lácrimas coegi cástigando Máleque dictis quae quidem quíui cónminisci. Quid ait? Verbum Núllum fecit*; ter in septenariorum pede primo uel quinto (cf. p. 16 et ad Curc. I 3, 28 p. 20) Trin. II 2, 55 *Quí quidem núsquam pér uirtutem rém confregit átque eget*, Trin. IV 2, 111 *Quí quidem nón nouísse possim quícum aetatem exégerim*, Poen. V 4, 34 *Séd quis homost? Amícus uobis. Quí quidem nón inimícus sit*, ubi propter librorum discrepantiam *qui quidem inimicus non sit* A, *qui quidem inimicus non est* BCD aliud quiddam, atque nunc editur, latere suspiceris.

Itaque omnibus uersibus, in quibus *quidem* pronomina personalia possessiua relatiua subsequitur, examinatis certo exploratum est, pronomina illa cum *quidem* composita prorsus ad normam creticarum dactylicarumque uocum a Plauto usurpata ac, ne in paenultimam syllabam ictus metricus incideret, praeter anapaestos et primum pedem uersuum iambicorum diligentissime cautum esse.



His rite praemissis hoc edicto pronuntiamus fasces academiae nostrae crastino die ad virum nobilissimum et experientissimum

D. GUILELMUM LEUBE

PATHOLOGIAE ET THERAPIAE SPECIALIS PROFESSOREM PUBLICUM ORDINARIUM ORDINUM S. MICHAELIS BAVARICI ET FREDERICI WIRTEMBERGENSIS PRIMAE CLASSIS ATQUE CRUCIS BAVARICAE IN MEMORIAM ANNORUM MDCCCLXX ET MDCCCLXXI EQUITEM

prorectorem suffragiis collegarum creatum, regis nostri augustissimi potentissimi clementia confirmatum translatum iri. Is eodem die hora matutina XI in aula academica munus suum oratione publica auspicabitur. Quam ut audiatis Vestraque frequentia his sollemnibus speciem et dignitatem addatis, Vos, collegae coniunctissimi, commilitones humanissimi, amici universitatis nostrae omnium ordinum ornatissimi, omni qua par est observantia invitamus.

Erlangae die II mensis Novembris a. MDCCCLXXXIII.

REGIAE FRIDERICO-ALEXANDRINAE
LITERARUM UNIVERSITATIS
P R O R E C T O R
D. GUILLELMUS LEUBE
MEDICINAE PROFESSOR PUBLICUS ORDINARIUS
CUM
PROCANCELLARIO
RELIQUOQUE SENATU ACADEMICO
SUCCESSOREM SUUM
CIVIBUS ACADEMICIS
COMMENDAT

PRAEMISSAE SUNT
AUGUSTI LUCHS
COMMENTATIONES PROSODIACAE PLAUTINAE II

ERLANGAE
TYPIS JUNG E T FILII
MDCCCLXXXIV



Quod prioribus commentationibus exploratum est, *quidem* particulam cum pronominibus personalibus possessiuis relatiuis tam arte apud Plautum coniunctam esse, ut compositiones euaderent eisdem legibus metricis atque cetera paris mensurae uocabula obnoxiae, idem ualere de pronominiibus demonstratiuis nunc exponere adgrediar. In his autem nouum aliquid nec minus graue accedit: apparebit enim, formis *c(e)* suffixo auctis *quidem* non additum esse, sed praeter *ille*, ut hoc utar, *illic* et *illequidem* in usu fuisse, *illicquidem* non item. Atque de *ille* et *iste* id et libris proditur et numeris confirmatur. Nam quod Capt. II 2, 38 in BD scriptum est *Nam illic quidem Theodoromedes fuit germano nomine*, id metro arguitur corruptum ex *Nam ille quidem Theodóromedes*, quod in uetustissimis editionibus restitutum est, uestigiumque ueri nescio an in codicis J scriptura *illi quidem* exstet; *istucquidem* autem, quae forma in libris Plautinis eadem constantia usurpatur qua *illucquidem* spernitur, non necessario ex *istud(e)* et *quidem* composita est, sed potius ex *istudquidem* similiter atque *quicquam* ex *quidquam* commutata; itaque uni quod restat Veteris testimonio Cist. I 1, 9 *istoc quidem* pro *istoquidem* tradentis non multum fidei tribuendum erit. Pariter *hicquidem* uitatum esse infra demonstrabitur; nunc exemplis omnibus congestis ostendam *illequidem illumquidem* ceterasque formas eodem modo quo uelut *interimam* et *circumdabo* pronuntiari percutique solitas esse.

Ille quidem aut in prima et quarta syllaba (*illequidém*) aut in secunda (*illéquidem*) ictu metrico feritur; atque illud fit Merc. V 4, 14 '*Illequidem illam sésé ancillam mátri emisse dixerat*. Truc. IV 4, 31 '*Illequidem hinc abiit abscessit: dicere hic quiduis licet*. Bacch. I 1, 57 ubi traditum est *Ille quidem hanc abducat tu nullus adfueris si non lubet* Ritscheliu, ut septenarii trochaici numeros reconcinnaret, transposuit '*Illequidem hanc abdúcet, nullus tu ádfueris*; aequè probabiliter *tu nullus mutes in tu nullum*, de quo Cas. IV 2, 16 et Loewium Anal. Plaut. p. 205 conferas. Capt. II 2, 38 *Nam illequidém Theodóromedes fúit germano nómine*, cf. supra. Capt. III 4, 41 *Nam illequidém, quem tu ésse hunc memoras, hódie hinc abiit Válidem*. Epid. V 2, 8 '*Apage illum a me, nam illequidém Volcáni iratist fílius*. Epid. II 2, 72 *Nam illequidem aut*

iam hic áderit, credo hercle, aut iam adest. Si aequum siet. Most. V 1, 33 *Quid iam?* Scio iocáris nunc tu: nam *illequidem edepol haud negat*, ubi *edepol* recte a Ritschelio additum esse eo adducor ut credam, quod haec Theopropidis uerba insequuntur *Immo edepol negat profecto*; haud raro enim eiusmodi particulae affirmatiuae ab eis repetuntur, quorum sermones se excipiunt, uelut Pseud. IV 7, 102 *Isquidem edepol Harpax ego sum.* Immo *edepol esse uis*, Amph. I 1, 215, Men. V 2, 69; uocem autem illam ante *haud* negationem, non cum Ritschelio post eam inserendam esse Herm. VIII p. 121 sq. docui Lorenzioque probaui, cf. comment. I p. 21 sq. Ad horum uersuum similitudinem Herm. VI p. 277 conieci accommodandum esse Mil. V 1, 37 *Nam illequidem, qui ob oculum habebat lanam, nauta non erat*, ubi *nam illic qui A*, *nam ille qui BCD*, *namque illic qui* Ritschelius, *nam illic qui ob oculum unum habebat lanam* Ribbeckius; supplementumque a me commendatum Brixius asciiuit. Cum Gepperto et Ritschelio op. II p. 255 *illequidem* pro codicum scriptura *quidem ille* reponendum erit Truc. II 6, 28 *Eia nudiusquintus natus illequidemst.* *Quid póstea?* certe haec emendatio longe praestat ei quam Spengelius et Schoellius receperunt *natus quidem illic est.* Contra dubia eadem iunctura est Trin. III 2, 91 *Abiit hercle illequidem. ecquid audis, Lysiteles? ego te uolo*, quae uerba Reizius Ritscheliusque ita in septenarii trochaici modum reprimere conati sunt, ut *Abit ex Abiit* efficerent: *'Abit hercle illequidem. ecquid audis*, cui mutationi usum loquendi Plautinum minime fauere Brixius ad hunc uersum adnotauit; cum porro Hermanno *ille* eicienti eo uetetur adsentiri, quia *quidem* nequit particulam affirmatiuam insequi, nescio an cum Guyeto, in cuius sententiam Brixius quoque transiit, *quidem* tollendum sit, nisi cum Fleckeiseno Jahrb. f. Philol. CIII (1871) p. 811 *hercle* maus inducere; uim autem si adhibere libet, alia quoque facile se offerunt, uelut *'Illequidem hercle abiit. atque audin, Lysiteles?* — In altera syllaba *illéquidem* habet ictum Merc. III 1, 43 *Nullum ádulescentem plus amo. Puer ést illéquidem, stulta.* Pers. IV 7, 4 *Illéquidem iam scit, quid negoti gesserit.* Stich. IV 1, 55 *Héracle illéquidem certo adulescens dócte uorsutus fuit*, Brixius Jahrb. f. Philol. CXXIII (1881) p. 53 *Illequidem hercle certo* posuit coll. Men. II 2, 39 Ter. Andr. II 2, 10 Phorm. I 3, 12 Stich. III 2, 26 Mil. II 3, 82. Bacch. I 1, 70 *Méus illéquidemst. tibi nunc operam dábo de Mnesilochó, soror.* Bacch. IV 3, 20 *Quid faciam? nihil hábeo miser: illéquidem hanc ábducét, scio.* Most. II 1, 28 *Válet illéquidem atque égo (ego add. Pylades) disperii. Disperisti? qui potest?*

illa quidem plane ut *illequidem* duplicem habet pronuntiationem singulis exemplis adhibitam Mil. II 6, 3 *Certo illaquidem* (sic A, *quidem illa* ceteri libri) *hic nunc intus est in aédibus.* Stich. I 3, 97 *Illáquidem nullum sacrificauit. Quó modo?*

illud quidem Rud. II 4, 9 *Súbuolturium, illúdqúidém subáquilum uolui dicere.* Most. III 2, 145 *Dórmunt? Illútquidem út coníuent uolui dicere.* Rud. III 5, 26 *Illúdquidem édepol tñnimentumst aúribus.* Stich. IV 2, 11 *'Aduorsum te fábulare. Illúdquidem ámbos út uocem.* Cas. III 5, 57 *Atque íngratís quói neuólt nubet hódie. Nam cúr non ego íd perpetrém quod cōépi, Vt nubat mihi? illud quidem uolebam nostro uilico,* quorum uersuum ultimum ita ut exscripsi solus Priscianus I p. 104 H tradit; Plautinis libris Palatinis uerba *non sed* post *uolebam* inculcata sunt, quae Plauti non esse euincitur dictione similium locorum Cas. III 5, 39 Mil. I 1, 27 III 2, 7 Most. III 2, 145 Rud. II 4, 9 Stich. IV 2, 11 (Amph. I 1, 228), cf. Ritschelii op. II p. 438; itaque hoc ipso argumento refellitur Gepperti octonarius iambicus *Vt núbat mi? illuc quidem uolebam nón, sed nostro uilico;* nec trochaicus octonarius, quem Fleckeisenus Krit. Misc. p. 10 et Spengelius Ref. p. 359 statuerunt, *'Illud quidem uólebam nostro uílíco. Saepícule peccus* propter *illudquidem* pronuntiationem probabilis uidetur; eo uitio caret dim. bacch. cum penthem. iamb. a Studemundo Zeitschr. f. Gymnas. XVIII (1864) p. 538 descriptus *Vt núbat mihi. illuc quidém uolébam,* quod metrum rectene Spengelius Ref. p. 277 sq. a Plauto abiudicanerit, non decerno; quaecumque autem dimetiendi rationes temptabuntur, id tenendum erit, non licere praesertim in cantico *illudquidem* percutere.

illi quidem Merc. III 1, 44 *Nam illíquidem háú sané diust, quom dēntes excidérunt.*

illum quidem Cas. V 1, 11 *Nec (ne B) illúmquidém nequiórem árbítro ésse (arbitrare esse B),* cf. Spengelius Ref. p. 362; Muellerus Plaut. Pros. p. 748 dubito an recte *Nec illo quidem* postulauerit.

illam quidem Pseud. IV 6, 36 *Qui illámquidém iam in Sícýonen ábdúxít modo,* quem senarium Ritscheliu conformauit ex librorum uerbis *Qui illam quidem iam in Sícýonem ex urbe áddúxít modo;* ceterum totus uersus uidetur subditius esse. Ex omnibus uersibus, quibus *quidem* pronominibus *ille* et *iste* subiunctum est, unus Mil. II 3, 52 ab usitata pronuntiatione recederet, siquidem proditus esset qualis a Ribbeckio et Brixio editur: *Verbero edepol tu quidem Caécú's, non luscítiosus: nam illam quidem uidi domi;* uerum cum in codicibus haec sit deprauatio *nam illam quidem illa domi,* hoc exili testimonio sententiam nostram minime euerti elucet; quomodo autem posterior septenarii pars redintegranda sit, uix definias; ipse olim conieceram *nam ego illam uidi domi,* deinde Buggius *nam eccillam uidi domi,* possunt tamen etiam alia latere.

illuc quidem Poen. III 3, 70 *Bonam dedístis mihi operam. It. ad me lucrú* 71 *Illóquidém, quorsum ásinus caedít cálcibus,* pro librorum ABCD memoria *illud quidem* Acidalius *illuc quidem* posuit.

iste quidem Merc. V 2, 104 *Hic Athenis esse. Calchas iste quidem Zacynthiust.* Poen. III 1, 10 *Nam iste quidem gradus succretust cribro pollinário.*

ista quidem Most. I 3, 78 *Iam ista quidem assumpta* (hic *quidem* in libris praeue repetitur) *res erit: dies noctesque estur bibitur.* Ex eis quae Merc. IV 3, 31 produntur *Ista quidem illa est. Quae illa est? Illa.* Iohia Ritscheliuss hunc senarium effecit *Ista quidemst illa ... Quae illast? Illa ... Ohe iam satist;* minus probabilitatis habet Bothii coniectura in alteram Ritschelii editionem admissa *Istaec quidem illast,* quia Plautum praeter *ista quidem* etiam *istaec quidem* usurpasse, licet ex *istaec* et *hae quidem* concludas, tamen nullo certo indicio demonstratur.

istuc quidem Curc. I 1, 8 *Istuc quidem nec bellumst nec memorabile.* Poen. III 3, 32 *Ei Mars iratust. Capiti uostro istuc quidem.* Mil. IV 4, 13 *Facile istuc quidemst, si et illa uolt et ille autem cupit.* Mil. I 1, 19 *Istuc quidem edepol nihil est. Nihil hercle hoc quidemst.* Pers. IV 8, 6 *Pol istuc quidem omen iam ego usurpabo domi.* Poen. V 3, 53 *Pol istuc quidem iam certumst. Tu istos Milphio* (*istuc BC istud D*), qui uersus de Vssingii et Goetzii Loewiique sententia insitiuus habendus est. Ex Bergkii op. I p. 131 et Muelleri Plant. Pros. p. 241 emendatione, quam nec Ritscheliuss op. II p. 418 improbanit et Brixius adsumpsit, accedit Mil. III 1, 181 *Fuisse aequae neque futurum credo. Credo ego istuc quidem,* ubi in BCD *istunc idem* scriptum est, Bothius autem Ritscheliuss Ribbeckius *istuc item* ediderunt. Praeterea fortasse addendus est senarius, qui in libris, nisi quod *in* deest, talis legitur Poen. III 5, 38 *Vae uostrae aetati. Id quidem in mundost tuae;* etenim si omnino hiatus tollendus est, qui, cum in caesura penthemimeri et confinio sermonum intercedat, defensione non carere uidetur, multo magis, quam quae adhuc prolatae sunt coniecturae (*Id quidem nunc in mundost tuae, Id quidem situm in mundost tuae,* aliae), haec et numeris et dictione Plautina commendatur mutatio *Vae uostrae aetati. Istuc quidem in mundost tuae:* cf. Poen. IV 2, 90 *Valeas beneque ut tibi sit. Pol istuc tibi et tuost ero in manu,* Poen. V 2, 42 *Me har bocca. Istuc tibi sit potius quam mihi,* Poen. I 3, 18 *Fugio. Meum istuc magis officiumst quam tuum,* Amph. II 2, 109 *Vae capiti tuo. Tua istuc refert, si curaueris,* Asin. II 2, 40, Cas. III 5, 12, Mil. II 3, 55, similiaque haud raro alibi.

isti quidem Poen. I 3, 34 *Nam isti quidem hercle orationist Oedipo Opus coniectore.*

istum quidem praeue in Palatinis traditur Poen. III 3, 36 *Quis hic est? Nescimus nos istum quidem qui siet,* in Ambrosiano recte *Nos quidem istum,* cf. comment. I p. 19.

istam quidem pro inuerso librorum ordine *quidem istam* satis certa coniectura a Bothio repositum est, nisi quod is *istanc quidem* uoluit, Truc. IV 3, 68 *Eumpse*

pol te iúdicasse istámquidém rem intéllego. Men. III 2, 31 sq. *An tibi malam rem uis pro male dictis dari? Post eam quidem edepol te dedisse intellego* Palatinorum scripturam *Post eam quidem* Vahlenus Rhein. Mus. XVI (1861) p. 633 ex *PE.* *Istamquidem* ortam esse suspicatus est, quod cum ab ipso nunc improbetur, tamen iure mihi uidetur a Brixio receptum esse.

istic quidem Cist. IV 2, 87 *Istiquidem edepol met uiri habitat gener.*

Ab ea quae in ceteris numeris usitata est percussione necessario receditur in anapaestis: Mil. IV 2, 26 *Pol istúquidem máltae. At nón multae de dígito donum mittunt.* Truc. I 2, 17 *Me illisquidem haec uérberat uérbis.* Cist. I 1, 9 *Pol istóquidem nós pretió facilest,* cf. Spengelius Ref. p. 364, qui p. 381 etiam Most. I 4, 21 duos dim. anap. catal. constituit *Nēmpe dómum eo commissátum. Immo ístuc quídem iam mémini,* ad quam codicum memoriam Ritscheli Lorenzique *huc* addentes octonarium trochaicum effecerunt *Nēmpe domum eo cómissatum. Immo húc. Istúc quídem iam memini.*

Vbi hic pronomini *quidem* adnectitur, insignis quaedam mensurae differentia cernitur. Nam cum ceterae praeter *hic quidem* formae constanter creticum expleant et in iambis trochaeisque sesquipedem occupent, *hic quidem* non minus constanter anapaestum uel tribrachyn aequat unumque pedem in illis numeris efficit. Hanc pronuntiationis discrepantiam non casu ortam esse, praeter constantiam eius docet magnus exemplorum numerus, cum alterius generis sint plus quinquaginta, alterius supra triginta; causa autem nusquam aliunde potest repeti, quam quod non *hic quidem haec quidem hunc quidem* cet. sed *hiquidem haequidem hunquidem* siue *humquidem* dictum est, id quod p. 3 significauimus. Ita enim solum fit, ut in ceteris formis prima syllaba sit longa, quia aut natura (*haequidem huiquidem* cet.) aut positione (*hocquidem pro hodquidem humquidem* cet.) producit, contra in *hiquidem* brevis, quoniam nominatiui sing. masc. uocalem corripit demonstraui nec positio fit una consonanti subsequente.

Omnes igitur praeter *hiquidem* formae in prima et tertia syllaba ictu feriantur oportet, quae lex non uiolatur nisi in primo pede uersuum iambicorum Rud. III 5, 47 *Haequidem (Haec equidem BD) Palaestra quae respondet nón meust.* Cist. I 1, 45 *Haequidem ecaster cotidie uiro nubit nupsitque hódie.* Rud. V 2, 13 *Nam hocquidem pol e robígene, non ést e ferro fáctum.* Cas. I 55 *Hiquidem pol certo níhil ages sine me árbítro.* Pseud. I 1, 23 *Hasquidem pol credo ntsi Sibilla légerit.* Pseud. I 1, 28 *Nam hasquidem gullina scripsit. Odiosús mihí's; et praeterea in anapaestis Pers. V 2, 11 Hoc uide: quae haec fabulust: hiquidem pol potánt. adgrediar. ó bone uir, quos numeros*

Muellerus Plaut. Pros. p. 38 et Spengelius Ref. p. 105 et 391 constituerunt eadem quam libri praebent uersus terminatione uerborumque memoria, nisi quod *pol hic quidem* proditur. Most. IV 2, 21, ubi in Palatinis est *Nemo hinc quidem foras exit ut esse addecet nequam homines ita sunt*, in priore parte uersus uarios numeros uiri docti temptarunt: Studemundus Jahrb. f. Philol. CXIII (1876) p. 72 et Lorenzius anapaestos *Homo* (haec uox in A uidetur fuisse) *nemo hinc quidem foras exit*, Hermannus et Ritscheliuss iambos *Nemo hinc quidem huc exit foras*, Spengelius Ref. p. 304 uel trochaeos *Hinc quidem foras exit nemo* uel iambos *Nemo quidem hinc exit foras*. In ceteris numeris eae quas dixi formae pro cretico ponuntur, cuius mensurae exempla iam enumerabo.

haec quidem Amph. II 2, 64 *Haëquidém delíramenta lóquitur. Paulispér mane.* Mil. II 4, 9 *Eri cóncubinast haëquidém. Mihi quóque pol ita uidétur.* Mil. IV 1, 41 *Quae ánulum istunc áttulit, quem tibi dedi. Edepol haëquidém Bellulast.* Pers. IV 7, 13 *Quae uólui edicta. adsérua hanc. Saluast haëquidém.* Stich. I 3, 84 *Epígnómi ancillast haëquidém Crocótium*, ut Ritscheliuss et Goetzius dimensi sunt; quam codices commendant percussione *Epígnómi áncilla haëquidémst Crocótium* non praetulerim, quamquam eam Stich. III 2, 12 *Epígnome ut ego té nunc conspició lubens* tueri uidetur; ceterum cf. Muellerus Plaut. Pros. p. 330 et 679 et Goetzius praef. Stich. p. XVI. Rud. II 4, 7 *Me áttrectas. Pro di ímmortales, Vénérís effigia haëquidémst.* Amph. II 2, 162 *Haëquidem ápparéet. Quis igitur tibi dedit? Qui mé rogat.* Capt. III 5, 92 *Vís haëquidem hérclest, ét trahi et trudi simul.* Men. II 3, 32 *Haëquidem edepol récte appellat méo me mulier nómine.* Poen. I 2, 38 *Cocást haëquidem, 'Agorastoclés, ut ego optíor.* Amph. II 2, 145 *Nam haëquidem edepol láruarum plénast. Quid uerbis opust?* Amph. II 2, 157 *Nam haëquidem nos délirantis fácere dictis póstulat.* Poen. V 4, 29 in hac codicum scriptura *Quae res iam diu* (eo add. A) *edepol sapientiam tuam haec quidem* (qui quem Pall.) *abusast* cum uerborum ordinem turbatum esse metrum indicet, Goetzius Loewiusque cum Spengelio Ref. p. 395 ediderunt *Quae rés? iam diu sapientiam tuam edepol haec quidem abúsast*; sed sermoni Plautino magis conuenit, ut *edepol* proxíme ab initio sententiae absit, ubi in ipsis codicibus collocatum est; quamobrem praestare puto *Quae rés? iam diu edepol haëquidém sapientiam tuam abúsast*. Deprauatam esse librorum memoriam non minus consentitur Mil. IV 6, 44 *Naso pol iam haec quidem plus uidet quam oculis. Caeca amorest*; nec tamen correctionibus Muelléri Nachtr. p. 135 Ribbeckiique *Nasó pol iam* (Muellerus iam om.) *haec quidem plús uidet quam oculis. Caeca hercle amórest* et Brixii *Nasó pol haec quidem plús uidet quam oculis. Iam caeca amórest* pristinam uersus formam recuperatam esse existimo, quia in eis *haequidem*

pronuntiationem postulat, qua Plautus in iambis non solet uti; propius ad uerum uidentur Camerarius Ritscheliusque accessisse transponentes *Nasó pol iam haec quidem uidet plus quam óculis. Caeca amórest*, ubi cum iambus geminatus in exitu prioris partis septenarii displiceat, *plus* non post *uidet* sed ante *haec quidem* collocandum erit: *Nasó pol iam plus haequidem uidet quam óculis. Caeca amórest*. Ab Hermanno Ritschelioque *haec quidem* restitutum est Bacch. IV 4, 85 sq. *Máne dum scribit. Célerem oportet esse amatoris manum*. 86 *Haequidem (Atque idem libri) hérclest dd perdundum mágis quam ad scribundum cita*; Muellerus Nachtr. p. 100 tacite *At quidem* scripsit.

hoc quidem Amph. I 1, 216 *Hóequidem profecto certumst, nón est arbitrárium*. Pseud. V 2, 2 *Líbere hercle hóequidem. séd uidé statim*. Epid. III 2, 2 hanc pedum dimensionem *Per hanc cúram quieto tibi licet esse: hóequidem iam périit* Fleckeisenus Jahrb. f. Philol. CI (1870) p. 76 Mohrius de iambico apud Plautum septenario (Lips. 1873) p. 18 sq. Goetzius in editione merito praetulerunt Geppertianae *Per hanc curam quieto tibi licet esse: hocquidem iam périit*. Bacch. V 2, 22 *Pródigium hóequidemst: humana nós uoce appellánt oues*. Epid. III 3, 28 *Hanc edepol rem adparábat. Planum hercle hóequidemst*. Mil. I 1, 19 *Istúequidem edepol nihil est. Nihil hercle hóequidemst*. Most. IV 2, 65 *Eú edepol patrem eius miserum praédicas. Nihil hóequidemst*. Truc. II 2, 14 *Rús merum hóequidemst. Pudendumst uéro clurínúm pecus*. Amph. I 1, 241 *Vérum utut es factúrus, hóequidem hércle haud reticebó tamen*. Aul. III 3, 1 *Hóequidem hércle, quóquo ego (libri ego om.) ibo, mecúm erit, mecúm feram*. Capt. II 2, 107 *Hóequidem haúd moléstumst, iam quod cóllus collari caret*. Men. V 5, 28 *Hóequidem edepol haú pro insano uérbum respondit mihi*. Pseud. IV 6, 16 *Dabín? Dabuntur. Hóequidem áctumst haú male*. Truc. II 6, 54 *Hóequidem hércle ingrátumst donum. cédo tu mi istam pérulam; pro hercle, quod Geppertus et Spengelius ediderunt, hercles habet B, hercle si CD*; Schoellio Fleckeisenus Jahrb. f. Philol. CIII (1871) p. 814 persuasit, ut cum Bothio inuerso ordine *si hercle* poneret, quod cur ab usu loquendi Plautino discrepet, Herm. VIII p. 121 sq. explicauit, cf. comment. I p. 21. Capt. II 2, 86 *Tam hóequidem tibi in procliui quam imber est, quandó pluuit*. Merc. II 2, 14 *Dei mélius faxint. Dei hóequidem faciunt. Quid est?* Curc. I 3, 26 *Nam hóequidem edepol haúd multo post luce lucebit. Tace*. In libris BEJ prae *hoc quidem* traditur Epid. III 3, 12 *Fuit códucibile hoc quidem mea senténtia*, ubi cum Acidalio *hoc quidem sententia* corrigendum esse comment. I p. 17 commemoraui; quem uersum cum eo quo in BEJ legitur loco ineptum esse Geppertus Brixius Goetzius consentiant, in Ambrosiano autem omitti Studemundus testetur, omnino ex illa fabula eximendum ueri simile est.

huic quidem Trin. IV 2, 128 *ego sum Charmides*. 129 *Néque edepol tu is es*

neque hodie is umquam eris — auro huiquidém; Hermannus et Muellerus Plaut. Pros. p. 51 et Nachtr. p. 95, ne in *eris* posterior syllaba esset producenda, *huic auro quidem* posuerunt.

hanc quidem Asin. II 2, 5 *Hámquidém quam náctus praedam páriter cum illis pártiam*. Cure. I 2, 17 Goetzius recte sic percute iussit *Canem esse hámquidém magis pár fuit: sagáx nasum habet*. Amábo, contra Fleckeisenus *Canem ésse hanc quídem magis pár fuit*, quod etiam propter proceleusmaticum *quídem magis* deterius est. Mil. IV 2, 15 *Tum haéc celocula illa absente súbigit me ut amem*. *Hercle hámquidém* 16 *Nil tu amassis, ubi hercle hanc quidem* CD, *hanc hercle quidáe* B.

hac quidem Asin. III 3, 151 *Iam dúdumst intus. Háquidém non uénit. Angipórtó*. Most. II 1, 47 *Nam íntus potate haú tantillo háquidém causá minus*; initio uersus, ubi *Nā intus* B, sed *ā* et *in* e corr., *Namentus* C, *Nāmentus* D, conicias *Tamen intus* scribendum esse collatis Stich. V 1, 4 *Idem ego nunc facio, qui prouiso Sagarinum, Qui nihilo citius ueniet tamen hac gratia* et Pseud. I 2, 27 *Numqui minus ea gratia tamen omnium opera ego ulor*. (Cas. prol. 83 *Faciét profecto in hác quidém comoédia* post Plauti aetatem confectum esse constat.) Amph. II 2, 104 Fleckeisenus olim epist. crit. p. XIX et Jahrb. f. Philol. LXI (1851) p. 50 codicum BDEJ memoriam ita seruari posse putauerat, ut inter *de* et *aliis* hiaret oratio, *Véra dico. Nón de hac quidem hercle ré, de aliis néscio*, id quod ipse iam non tuebitur; nec magis mihi probatur quod Muellerus Plaut. Pros. p. 318 dubitanter protulit *Véra dico. Nón de hac quidem hercle ré, nam de aliis néscio*; ueri similis est quod cum Camerario Fleckeisenus et Goetzius Loewiusque ediderunt *Véra dico. Nón quidem hercle de hác re, de aliis néscio*.

hic quidem Most. IV 2, 24 (933 R) *Híquidém neque cónuiuarumst sónitus, item ut antehác fuit*. Rud. I 3, 32 *Néc prope usquam híquidém cultum agrum cónspicor*. Cap. I 1, 20 *Et híquidem hércle, nési qui colaphos pérpeti Potis, .. extra portam Triginam ad saccum ilicet*. Pseud. III 2, 33 *Hoc híquidem hómines tám breuem uitám colunt*. Rud. IV 3, 50 *Nón enim tu híquidem óccupabis ómnis quaestus quós uoles*. Stich. IV 2, 42 *Nam híquidém geníum meliorem túum non facies. éamus tu*. De Truc. III 2, 24 *Strabacem hic operiar modo, 25 Si rúre ueniat. Híquidem ápuđ nos ést Strabax*, ubi libri *is quidem apud nos est hic Strabax*, cf. comment. I p. 21. Capt. IV 4, 13 infra p. 14 tractabitur.

hinc quidem Pseud. I 5, 89 *Quid núnc ágetis? nam hímqúidem á me nón potest Argéntum auferri*. Stich. V 4, 6 septenarii trochaici in BCD supra modum referti *Nam hinc quidem hodie pollectura praeter nos iactura dabitur nemini priorem partem*. *Nam hímqúidem hódie pólluctura* incorruptam esse numerorum integritas indicare uidetur; alterius partis emendationem certam indagare non potui.

huc quidem Pseud. II 2, 59 *Húquidem hércle haud íbis intro, né quid harpa-gáueris.* Rud. II 3, 10 *Quasi nón sit intus. Néque pol est neque húquidem úllus uénit* ex fide codicis B, contra D turbato ordine *neque ullus quidem huc uenit.* Truc. II 4, 18 *Benene ámbulatumst? Húquidem hércle ad té bene.* Merc. II 3, 48 *Rés adhúquidem hércle in tutost: nam hunc nescire sát scio.*

hi quidem Epid. II 2, 9 *Ipsi híquidém mihi dánt uiam, quo pácto ab se argen-tum áuferam; ex hisce forma conicias etiam hisquidem usitatum fuisse.*

hae quidem Bacch. V 2, 7 *Attónsae haéquidem ámbae usque sínt. Vt uidéntur Deridere nos.*

has quidem Capt. III 5, 10 *Tuús sum: tu hásquidém uel praecidi iube.*

his quidem Mil. II 4, 15 *Tun mé uidisti? Atque hisquidem hércle oculís. Ca-rebis crédo* ¹⁾.

His plus quinquaginta exemplis cum *haequidem hocquidem* ceteraeque praeter *híquidem* formae ad normam creticorum uocabulorum numeris adhibitae sint, uno qui contrarius est septenario trochaico Mil. II 3, 82 aut Plautus legem alibi senerissime obseruatam consulto neglexisse putandus est aut in codicum scriptura *Síc* (AB, *hic* CD) *obsistam, hac quidem pol certo uérba mihi numquám dabunt* mendum latere oportet; et hoc quidem eo ueri similis est, quo incredibilis ex tota fabulae descriptione uidetur seruus stupidissimus, qui illa uerba loquitur, de pluribus fallendi uis cogitasse, id quod *hacquidem* uoce indicaretur; itaque *Si híc* (hoc Ritscheli coniecit) *obsistam, equidém pol certo uérba mihi numquám dabunt* restituendum erit.

Pro *hic quidem* scribendum esse *hiquidem* eamque uocem anapaestum uel tri-brachyn aequare postquam primum in commentatione de genetiuis pronominum lati-norum p. 26 significaui, Spengelius praef. Trin. p. XIII et Philol. XXXVII (1877)

1) Quoniam aptiorem locum non habeo, hic adnoto id, quod de *hic* pronomine ualet, etiam ad *nunc* aduerbium pertinere, cui his uersibus *quidem* additum est: Amph. II 2, 225 *Núm-quidém praetér nos nemost: díe mihi uerum sério.* Mil. II 4, 45 *Scin té perisse? Númquidém domi cértost; certa rés est.* Poen. V 2, 68 *Quid att? Non hercle númquidém quicquám scio.* Truc. II 1, 2 *Tandém sola súm: númquidém meo arbitrátu Loquár liberé.* Stich. III 2, 18 *Locátast opera núm-quidém; tam grátia st.* Men. V 5, 33 *Immo Nestor númquidémst de uérbis praet dudúm fuit.* Mil. III 1, 157 *Próletarió sermone númquidém hóspes útere.* Pseud. II 2, 16 *Quid tu, seruosne és an liber? Númquidém étiam séruio.* Et *numquidem* scripturam Mil. II 4, 45 Ambrosianus et Stich. III 2, 18 Palatini BCD praebent; sed his testimoniis uix demonstratur uerae scripturae uestigia in libris Plautinis conseruata esse, quia in eis etiam *nunc quid* et *numquid*, *nunc quam* et *num-quam* compluriens inter se permutantur.

p. 447 Seyffertus Zeitschr. f. d. Gymn. XXXIII (1879) p. 472 et Jahresber. XXXI (1882 II) p. 72 Brixius in quartae editionis Captiuorum adnotatione critica ad u. 823 (IV 2, 43), uiri sermonis numerorumque Plautinorum peritissimi, adsensu suo grauisimo sententiam meam comprobarunt; iam ipsis uersibus Plautinis exscribendis argumenta eius afferam.

Amph. I 1, 261 *Hiquidem certe quae illic sunt res gestae memorat memoriter.* Capt. III 4, 124 *Hiquidem me numquam inridebit. Cólaphe Cordalió Corax!* Pers. I 1, 14 *Similis est Sagaristionis. Tóxilus hiquidem meus amicus;* Spengelius Ref. p. 187 et 385, ne quintus pes uocabulo dactylico *Toxilus* efficeretur, *Tóxilas meus hiquidem amicus* transposuit. Poen. III 3, 59 *Quin hiquidem tuus est. 'Obsecro hercle hortámini.* Rud. V 3, 47 *Tibi operam hiquidem dat: taceto. Cóncede huc lenó. Licet,* quam codicum BD memoriam Fleckeisenus sine iusta ut uidetur causa in *Tibi quidem operam hic dat* mutauit. Stich. IV 2, 45 *'Eo quoque ibo. Di immortales, hiquidem pól summam in crucem Cena aut prandio perduci potis.* Stich. V 2, 7 *Sed Stíchus est hiquidem. Fécisti, ere, facétias.* Trin. II 4, 156 *Quin hiquidem cūpit illum ab se abalienárier.* Trin. IV 2, 34 *Méum gnatum hiquidem Lésbonicum quaerit et amicū meum.* Trin. IV 3, 23 *Di immortales, básilica hiquidem fácinora inceptát loqui.* Trin. IV 3, 48 *Méus est hiquidem Stásimus seruus. Nam ego talentum mútuom ... dederam.* Ad huius uersus exemplum Fleckeisenus conformauit Pseud. I 5, 30 *Quis hic lóquitur? meus est hiquidem (hic est quidem codd.) séruos Pseúdolus,* meritoque ei Muellérus Plant. Pros. p. 394 et Lorenzius in editione adsensi sunt. His uersibus ex Bothii emendatione a Ritschelio Brixio Vahleno comprobata addendus est Men. II 2, 35 *Insánit hiquidem (hic equidem codd.) qui ipsus maledicít sibi;* minus enim aptum est quod Ribbeckius Lat. Partik. p. 41 praetulit *Insanit equidem,* quia in eiusmodi sententiis pronomen abesse non solet.

Amph. II 2, 28 *Méus uir hiquidemst. Séquere hac tu me. Nám quid ille huc reuórtitur?* Cure. III 27 *Supérstitiosus hiquidemst: uéra praedicat.* Mil. IV 6, 68 *Naoclérus hiquidemst. Videlicet arcéssit hanc. Ita crédo.* Most. II 2, 17 *Meus séruos hiquidemst Tránio. O Theópropides.* Pers. II 2, 19 *Paégnium hiquidemst. Sóphoclidisca haec ést peculiáris eius.* Pers. II 5, 8 *Sagarístio hiquidemst (hic quidem sed BCD). quíd agitur, Sagarístio? ut ualétur?* Poen. V 3, 4 in libris Palatinis hic est uerborum ordo *Erús meus hiquidemst, méarum alumnarúm pater,* in A *Hic quidem est meus erus* uidetur fuisse; Geppertus cum Bothio edidit *Erus hic quidem meus est,* Goetzius Loewiusque *Erus hic quidem meus,* qua traiectione non opus esse nuperrime Seyffertus Berl. Philol. Wochenschr. 1884 p. 1093 sq. monuit. Stich. III 2, 11 *Epignómus hiquidemst, qui ástat. ibo atque ádloquar.* Stich. IV 1, 38 *Quási ego nunc sum. Pérge porro, praésens hiquidemst*

apologus. — In anapaestis Pers. V 2, 12 *Salueto et tu bona liberta. Dordulus hiquidemst. Quin iube adire*, cf. Muellerus Plaut. Pros. p. 38 et Spengelius Ref. p. 391.

Bacch. IV 6, 5 *Atque hiquidem opinor Chrysalust. Accessero.* Capt. IV 2, 43 *Eugepaë, edictiones aedilicias hiquidem habet*, ubi non solum superuacaneas sed maxima ex parte etiam uitiosas esse mutationes apparet, quae propter exitum uersus olim suspectum temptatae sunt, uelut *Euge*: *edictiones aedilicias pol habet hic quidem, Eugepae, edictiones aedilicias hic habet, Eugepae, habet edictiones aedilicias hic quidem*; et Brixius quidem, cum in secunda tertiaque editione adnotasset 'Der vorn (Hiatus!) und hinten (*quidem* kann unmöglich gänzlich elidiert werden) verdorbene Vers ist sicherlich nicht von Plautus', in nouissima editione mihi Spengelioque adsensus de integritate uersus suspicionem habere desiit; quod autem Muellerus Plaut. Pros. p. 715 sq. hunc uersum ex IV 2, 31 *Basilicas edictiones atque imperiosas habet* conflictum opinatus est, id praeter Spengelium Philol. XXXVII p. 447 Vssingius refellit recteque animaduertit hoc uersu omisso proximum *Mirumque adeost ni hunc Aetoli sibi fecere agoranomum* Romanos homines uix intellecturos fuisse. Trin. IV 2, 26 *Fôres pultabo. Ad nôstras aedis hiquidem habet* (mendose habet BCD) *rectam uium.*

Amph. I 1, 302 *Nâm hiquidem omnem imaginem meam, quae antehac fuerat, possidet.* Pseud. II 4, 46 *Di immortales, nôn Charinus mihi hiquidemst sed Cópia* (mihi hic quidem sed copias A). Trin. IV 2, 9 *Pól hiquidem fungno generest: capite se totum tegit.* Merc. II 3, 31 in B ponitur *Méus patér hiquidemst, quem uideo. ibo, adloquar. quid fit, pater?* contra in CD *Meus quidem hic pater est*, quem uerborum ordinem non praestare ceteris exemplis collatis perspicitur. Most. V 1, 15 (1063 R) *'Erus meus¹⁾ hiquidemst. gustare ego eius sermonem uolo.* Aul. IV, 9, 18 *'Atque hiquidem Eúclíost ut opinor. oppido ego interi: palamst res;* alienum a sermone Plautino esse *At hic quidem*, quod Bothius et Wagnerus praeter libros ediderunt, Ballas Gramm. Plaut. I (diss. Gryph. 1867) p. 31 et Muellerus Plaut. Pros. p. 439 demonstrarunt, cf. etiam Seyffertus Zeitschr. f. d. Gymn. XXXIII (1879) p. 472. Pseud. IV 7, 37 *Heús ubi estis uós? Hiquidem ad me recta habet rectam uium.* Stich. II 2, 28 *Sine suffragio 29 Pópuli tamen aedilitatem hiquidem²⁾ gerit. Age tu ocius.* Stich. III 2, 5 *Hiquidem*

1) Eosdem ictus habes Mil. II 2, 80 *'Erus meus elephantí corio circumtentust, non suo.* Mil. III 1, 180 *'Erus meus ita magnus moechus mulierumst, ut neminem.* Aul. IV 1, 17 *Nam erus meus amat filiam huius Eúclionis pauperis.* Pseud. IV 7, 53 *'Erus tuus? Ita dico. Miles? Ita loquor. Macedonius?* Poen. IV 2, 79 *Nimium lepidum memoras facinus: nam erus meus Agorastocles.*

2) In eadem septenarii trochaici parte, atque hoc uersu *hiquidem*, *inhiat* collocatum est Stich. IV 2, 25 *Nam illic homo tuam hereditatem inhiat quasi esuriens lupo.*

Gelasimus est parasitus, qui uenit. — In anapaestis Bacch. V 1, 19 *Hiquidem pater Mnesilochist* (est add. Z, om. BCD). *Euge socium aerumnae et mei mali uideo*, cf. Spengelius Ref. p. 347. — Truc. II 2, 10 codicum BCD memoria *Nimis hic quidem truculentust*. *Pergin male loqui, mulier, mihi?* corrigitur Ambrosiano qui recte exhibet *Nimis quidem hic truculentust*, cf. comment. I p. 19 sq.; ibid. p. 21 explanatum est, cur Capt. II 2, 85 id quod in libris legitur *Privatam medici Menarchi. Pól hic quidem huius est cliens* mendosum sit et *Pól isquidem huius est cliens* restituendum.

Lacunosi sunt libri BDEJ Amph. V 1, 23 tradentes *Ibo et cognoscam* (cognosco B) *quisquis est amphitrio hic quidem erus meus*, cuius uersus priorem partem dimetrum iambicum esse consentitur *Ibo et cognoscam quisquis est*; ex altera parte Kiesslingius Anal. Plant. (Greifsw. 1878) p. 9 eisdem numeris effecit *Amphitruo hic est quidem erus meus*, ubi uerborum ordinem non credo Plantinum esse; rectius igitur Spengelius est, quo careri nequit, cum Camerario post *hic quidem* inseruit trochaeosque descripsit *'Amphitruo hic quidemst erus meus*; iambos autem si probabiliore ducis, aut cum Brixio programm. Liegn. 1857 p. 6 transponas necesse est *Amphitruost hiquidem meus erus* aut praeter *est* etiam *atque* intercidisse concedas: *atque 'Amphitruo hiquidemst erus meus* uel *atque hiquidem Amphitruost erus meus*; cf. Aul. IV 9, 17 *Quinam homo hic ante aedis nostras eiulans conqueritur maerens? Atque hiquidem Eucliost, ut opinor*, Bacch. IV 6, 4 *Quis loquitur prope? Atque hiquidem opinor Chrysalust*; nam illum uersum uerba praecedunt *Quis hic est senex, qui ante aedis nostras sic iacet? Numnam hunc percussit Iuppiter? Credo edepol: nam pro Iuppiter sepultust quasi sit mortuos*; de *atque* cf. etiam Muellerus Plaut. Pros. p. 559. — In altero uersu, qui et ipse mancus est, Capt. IV 4, 12 *Dicam ut sibi penum aliud ornet, siquidem sese uti uolet: 13 Nam hic quidem ut adornat, aut iam nihil est aut iam nihil erit* non solum de metro supplementoque ambigitur sed etiam sitne *hic quidem* nominatiuus sing. masc. an aduerbium loci; nam Vssingius trochaicos hos uersus esse ratus cum Lindemanno suppleuit *Nam hoc, hic quidem ut adornat*; sed trochaeos si statuis, eodem iure *hic quidem* pro aduerbio habes supplesque *Nam hiquidem, ut hic adornat*; atqui cum ceteri eius scaenae uersus omnes sint octonarii iambici, ueri similis est in duobus extremis eosdem numeros seruatos esse, id quod Fleckeisenus et Brixius senserunt; atque ille cum Gryphium secutus *in hoc* adderet et *ut hic quidem* poneret, et sententiae et numeris satisfecit: *Nam in hoc, ut hiquidem adornat*; contra Brixii scriptura *Nam in hoc, hic quidem ut adornat* propter inusitatam *hiquidem* pronuntiationem non probanda erit; praeter Gryphianam autem aliae quoque emendationes praesto sunt, si *hiquidem* aduerbium esse ducis, uelut *Nam hiquidem, ut istic homo adornat*.

Poen. IV 2, 17 sqq. Geppertus et Goetzius Loewiusque ediderunt *'Omnia edepol intra sunt, nisi érus hunc heredém facit. Nam is quidem ut meditátur, illi uérba faciet mórtuo. 'Et adire lubet hóminem et autem nimis eum auscultó lubens;* in altero uersu *Nam is quídem ut meditatur illi* Acidalio debetur; ego librorum BCD scripturam *Nam id quidem illi ut* (ut om. CD) *meditatur* potius ex *Nam hic quidem* corruptam esse existimo similiter atque Mil. II 4, 52 in BCD *hic quidem* praue pro *id quídem* traditum est, cf. etiam Poen. I 2, 69 infra; nec enim nominatiui *is* et *isquidem* a Plauto ad significandos eos qui adsunt usurpari solent; cum praeterea facilius seruato uerborum ordine *illic ut meditatur* corrigatur quam cum Acidalio *ut meditatur illi* transponatur, uersus ille sic reficiendus erit: *Nám híquidem illic, út meditatur, uérba faciet mórtuo.*

Coniecturarum, siue libris interpolatis inlatae¹⁾ siue a recentioris aetatis grammaticis profectae sunt, quoniam rationem nullam haberi oportet, restat ut unum uersum commemorem, qui ex optimorum codicum fide *híquidem* mensuram respuat, Poen. V 3, 6 *Praestrigiator híc quídem Poénus probust* (*probus est* BCD); cum uero, ut usitata pronuntiatio restituatur, ea mutatio sufficiat, qua sine ulla dubitatione in permultis aliis uersibus ad corrigendos numeros utimur, nemo me audaciae aut temeritatis incusabit, si *est probus* pro *probus est* reponendum esse censeo: *Praestrigiator híquidem Poénus ést probus*; Spengelius praef. Trin. p. XIII supplere maluit *Praestrigiator híquidem Poénus pérbonust* uel *pérprobust*.

Cum praeter eos quos exscripsi uersus *quidem* pronominiibus demonstratinis non subiectum sit, maximis argumentis probatum est non *hic quidem haec quidem* cet. sed *híquidem haequidem* Plautum et dixisse et scripsisse, nec omnino olim duas si non eiusdem at certe cognatae stirpis similisque significationis particulas *ce* et *quidem* eidem nomini subiunctas esse. Postea nero, quia plerisque *hi(c)* pronominis formis *c(e)* tam firme adhaeserat, ut simplices prorsus abolerentur, ceterae autem uoces uelut *ego tu*, si *quidem* additur, speciem suam non immutant, ad harum similitudinem falso *hic quidem haec quidem* scribi et paulatim fortasse etiam dici coeptum est, pariter ac multo posterius ex huiusce hisce cet. concluderunt *hicce huecce huncce* cet. duplicata *c* gutturali scribendum esse. Id iam Terentii aetate inualuisse ex uersibus eius con-

1) In eo numero est Poen. I 2, 69 codicis Parisini scriptura a Gepperto in editionem recepta *'Etiamne ut ames éam, quam numquam tétigeris? nihili híc quídemst*, ubi *nihil illic quídem st* CD, *quidem st* (cet. om.) B; quae quam inepta sint, cum pridem praeter Pyladem Bothius cognouisset ex eiusque emendatione nuper etiam Goetzius Loewiusque *nihil id quídemst* Plauto reddidissent, ego Geppertum refellere supersedeo.

eias, quippe in quibus leges illae metricae non minus saepe neglegantur quam obseruentur. Nam congruentia quidem cum usu Plautino sunt Eun. II 1, 22 *Séd quis hic est; qui huc périgit? attat hic quidemst párasitús Gnatho.* Heaut. IV 8, 11 *Immo haéc quidém, quae apút me est, Clitiphónis est Amica.* Adelph. V 8, 20 *Non, nísi te exorem. Vis est haéc quidem. 'Age prolixé, Micio.* Phorm. V 8, 11 *Adhúc curauí unum hóc quidem, út mihi essét fides.* Adelph. V 3, 17 *Non aéquom dicis. Nón? Nam uetus uerbum hóc quidémst.* Adelph. IV 2, 15 *Nón hercle hic quidém durare quísqum, si sic fít, potest.* Phorm. V 1, 27 *Quid? dúasne is (is om. A) uxorés habet? Au (obsecro add. libri) únám illé quidem hanc sólám.* Phorm. I 2, 84 *Illá quidem nóstra erít. Iocularém audáciam;* at contra discrepant Adelph. III 4, 23 *Vero ámplius: nam hoc quidém ferundum aliquó modost* et Heaut. I 1, 35 *Scire hóc uis? Hác quidem cáusa qua dixi tibi, eademque inconstantia in ceteris quoque pronomínibus deprehenditur: desitum est igitur quidem ita pro uoce enclitica haberi, ut cum praecedente nomine uno accentu comprehenderetur. Itaque non prorsus neges potuisse a Terentio etiam istaec quidem profectum esse, quod Bembino et Decurtato proditur Heaut. III 3, 5 *Nam istaec quidem cóntumélia est (istae quidem contumeliae Eugraph.),* quamquam mihi ceterorum codicum et lex. Maii p. 541 scriptura *Nam istá quidem cóntumélia est* multo ueri similior uidetur. De usu ceterorum poetarum scaenicorum Plauto posteriorum propter dubiam et orationis memoriam et numerorum descriptionem nihil certi explorari potest; Naeuius autem quominus uno qui huc facit uersu 128 R *haequidem pro haec quidem reddatur, nihil obstat, siue Ribbeckio adsentiris septenarium iambicum conformanti Haequidem hercle, opinor, praeficist: quasi mórtuum conlaúdat* siue cum Ritschelio Parerg. p. 98 uerbis *Haéquidem héracle opinor praeficist* exitum uel senarii iambici uel septenarii trochaici effici existimas.*

His rite praemissis hoc edicto pronuntiamus fasces academiae nostrae perendie ad virum nobilissimum et doctissimum

D. MAXIMILIANUM REESS

BOTANICES PROFESSOREM PUBLICUM ORDINARIUM ORDINIS S. MICHAELIS
PRIMAE CLASSIS EQUITEM

prorectorem suffragiis collegarum creatum regisque nostri augustissimi potentissimi clementia confirmatum translatum iri. Is eodem die hora matutina XI in aula academica munus suum oratione publica auspicabitur. Quam ut audiatis Vestraque frequentia his sollemnibus speciem et dignitatem addatis, Vos, collegae coniunctissimi, commilitones humanissimi, amici universitatis nostrae omnium ordinum ornatissimi, omni qua par est observantia invitamus.

Erlangae die II mensis Novembris a. MDCCCLXXXIV..

~~~~~









OCT 1 1895

Lp 26.832  
Commentationes prosodicae Plautina  
Widener Library 005867175



3 2044 085 222 305